

USA KA MAGTOTULTUL



Ang Ginoo magapanalangin kanimo, Igsoong Neville.

Gikalipay'g maayo ang pagbalik ning gabhiona sa simbahan. Mao ra'g napagaw la'g diyutay. Medyo taas-taas ang Mensahe ganinang buntag, ug ako malipayon gyod Niining maania dinhi, bisan pa niana. Ug nakalipay Kini sa akong kaugalingon, sa pagdala Niini, ug ako nagalaum nga kamo nalipay sa pagkadungog Niini. [Ang kongregasyon naga-ingon, "Amen."—Ed.]

² Ayaw kalimti karon, sa kanunay hinumdomi kini, nga kini mao ang mga butang nga nagatukod sa ulipon ni Cristo. Kita n'yo, una ang pagtoo, unya ang maligdong nga batasan. Ug karon hinumdumi, ang Espiritu Santo dili makatabon sa gitukod sa Dios hangtud nga kining mga butanga giyahan pinaagi sa Espiritu. Walay sapayan bisan unsay inyong pagabuhaton, kita n'yo. Kana mao ang mga butang nga gipangtukod sa Lawas ni Cristo, kita n'yo, kanang mga butanga. Karon, ayaw kalimti kana, nga kining *dinhi* maoy una, mao ang inyong pagtoo. Ligdong nga batasan, kahibalo, ug uban pa, nga maoy igadugang niini, hangtud ang kumpletong sukod ni Cristo mapadayag na, unya ang Espiritu Santo magaabot ibabaw niini ug magapang timri kini ingon nga usa ka Lawas. Kining mga butanga kinahanglan mahitabo. Busa, si Jesus miingon, "Pinaagi sa ilang bunga sila mahibaluan." Kita n'yo, bunga! Dili ka makahimo sa pagpamunga kon wala kining mga butanga nga magapamunga niini diha kaninyo. Ug unya sa diha ang tanan niini maoy mopuli sa lugar sa pagkakalibutanon ug-ug pagkadili-diosnon, ug uban pa, unya ang tanang pagkadili matinu-ohon pagatang-tangon, unya ang tanang mga butang sa kalibutan mangahanaw, unya wala nay lain kundili sa usa ka bag-ong binuhat ni Cristo. Ug unya ang Mga Taga Efeso 4:30 naga-ingon, "Ayaw'g sakita ang Espiritu Santo sa Dios, ni kinsa gikatimrehan kamo alang sa adlaw sa pagtubos." Tinimrehan ngadto sa Ginghamarian sa Dios! Karon, ayaw kalimti kana. Itanom kana diha sa hunahuna karon, kinahanglan pangdad-a una *kining* mga butanga. Unya ang pagtimre mao ang Espiritu Santo, ang Tabon nga nagapangtimre kanato ngadto sa Lawas. Husto.

³ Aduna kita'y usa-usa ka paghangyo karon alang sa Igsoong babaye nga si Little, sa Chicago, iyang bana naaksidente sa usa ka sakyanan ug siya karon nahimutang sa punto nga himalatyon, Igsoong Little. Ug si Edith Wright, ang atong diyutay nga Igsoong babaye dinhi nga atong naila sa dugay nang panahon, siya'y nagrabe, nagkagrabe, anaa karong gabhiona sa iyang balay, ug gusto nila nga ipahibalo kini sa simbahan aron nga

kitang tanan maghiusa sa pag-ampo alang niining hangyo-a. Ug karon iduko nato ang atong mga ulo sa makadali lang.

⁴ Among bililhon, Langitnong Amahan, kami nanagkatigum libot (pinaagi sa pagtoo) sa Trono sa Dios, ug kami nangamuyo sa Balaanong kalooy alang niining mga paghangyo. Ang Igsoong lalake nga si Little, usa ka aksidente sa sakyanan, duol sa kamatayon. Dios, tabangi siya. Hinaut unta ang Espiritu Santo maanaa sa iyang kiliran sa higdaanan ug dad-a siya pagbalik kanamo, Ginoo. Ug ang luoy na Edith Wright tua didto, ako naga-ampo, Dios, nga ang Espiritu Santo maanaa tupad sa iyang kiliran sa higdaanan ning gabhiona ug mahibalik sa iya ang kabaskog sa iyang lawas pag-usab. Itugot kini, Amahan. Ikaw nagsaad niining mga butanga, ug kami mitoo niana. Ug maingon nga kami naghunahuna nining buntaga, nga ang kahalayo walay unsa diha Kanimo, Ikaw maingon man nga dako sa usa ka bahin sa kalibutan maingon usab Ikaw sa pikas, tungod kay Ikaw anaa sa tanang dapit, makagagahum sa tanan, ug walay kinutuban. Ug kami naga-ampo, Amahan, nga itugot Nimo kining mga paghangyo pinaagi sa Ngalan ni Jesus Cristo. Amen.

⁵ Malipayon kaayo nga maania dinhing gabhiona pag-usab, sa pag. . . Ug ako nasayod nga mainit. Kini maoy tulo ka sunod-sunod nga mga panagtigum, ug kini'y. . . Ako nasayod nga ang pipila kaninyo lampas pa sa lima ka gatos ka mga milya sa pagbiyahe tali karon ug sa buntag. Ug sa pagsugod human ugma, ako may pagabiyahion nga katurse ka gatos human niana. Busa, busa ako-ako malaumon nga kini'y nahimong usa ka dakong kahigayunan alang kaninyong tanan. Ug nahimong usa ka dakong kahigayonan alang kanako sa pagduwag kaninyo. Aduna lamang usa ka butang nga atong ginapangamuyo, kadaghan na ang dili mapasulod gumikan nga wala nay lugar, dili pod ta makadasuk kaayo sa agianan, ang departamento sa sunog dili motugot niana. Busa atong paninguhaon karon ang paghimog diyutay nga daku-dakong simbahan, aron sa dihang manulod na kita, ug aduna kita'y lugar nga pagalingkuran sa mga katawhan.

⁶ Ug karon, sa bisan unsang panahona, kanunay kamong gina-abiabi dinhi aning tabernakulo, diin dinhi kita walay credo kundili si Cristo, walay balaod kundi gugma, walay libro kundi ang Biblia. Ug busa. . . Ug ang atong pastor dinhi si Igsoon Orman Neville. Ug aduna kita'y kongregasyon dinhi sa-sa daghang mga tawo kinsa nagakatigum ingon usa ka pangtanang-denominasyon nga tabernakulo, diin nga kamo makaanhi dinhi sa pagsimba sa Dios sumala sa mga dikta sa inyong kaugalingong konsinsiya. Kami malipayon sa kanunay nga makig-uban kaninyo. Ug busa anhi kamo kun mahimo ninyo, kami malipayon sa kanunay nga magadawat kaninyo.

⁷ Ug karon sa sunod nga higayon, kutob sa akong nasayran, nga pakig-uban kaninyo, tingali human matapos ang simbahan. Ug ako gusto nianang tungora, human sa *Mga Kapanhunan Sa*

Iglesiya, diha gusto nato mopaingon ngadto sa katapusang pito ka mga *Timre*, ug ang katapusang pito ka mga *Timre* diha sa Libro sa Pinadayag, aron itudlo Kana.

⁸ Ug karon adunay daghan kaayong mga panahon nga ang masakiton ug balatianon magapangabot, ug atol niining mga panagtigum, diin ang mga panan-awon gikinahanglan, ug duol alang sa pinatuyong pakigkita. Kon makadangat nako ana, nan ako-dili ko lang makuha ang diperensiya sa taliwala kanila, ug, dili, kini malisod alang kanako sa paghisgot human niana. Ug ang matag-usa nasayod nga diha sa atong mga kampanya sa pagpang-ayo, nga si Mister Baxter o usa ka tawo nga kasagaran nagahimo sa pagwali, ug ako mogawas sa pag-ampo alang sa masakiton, tungod kay kini medyo makapakapoy diyutay. Ug ako nagapang-ampo para sa mga tawo sa milabay nga pipila ka mga gutlo, ug unya ako nahimamat usa ka gamay nga bata dinhi nga ang mga doktor. . . usa ka butang sa iyang likod, nga natawo sa ubang paagi. Paggawas ko, nakita ko siya nga nagalingkod diha sa moldi. Katong bata dili dapat gayod makimpang ingon niana, kini mamaayo na. Sigurado gyod, nga mao kini, kita n'yo. Kana'y, akong nasayran kana. Kita n'yo, positibo ako bahin niana. Busa gikinahanglan nato maangkon ang atong pagtoo ug toohan ang Dios.

⁹ Matag-usa kaninyo, ug kadaghanan kaninyo mga langyaw alang kanako, tanang mga ministro ug uban pa. Kon dili ako masayop, kini mao si Igsoong lalaking Crase. Husto ba kana? Igsoong Crase, ako-ako utang'g pasaylo kanimo, sa wala pag-adto didto niadtong pagdidikar. Tingali moadto ako didto para sa katapusan sa simanang panagtigum, kana'y sama sa maayo ra gihapon. Husto ba kana? Didto sa Bloomington. Maayo lang ba ang lakaw diha kanimo? Maayo. Ang uban niining mga igsoon dinhi mga ministro, sa akong paghunahuna. Ikaw ba usa ka ministro? Oo, sir. Ang Ginoo magapanalangin kanimo. Ug pila ba ka ministro ang ania dinhi sa tigumanan, tan-awon ta ang inyong kamot. Buweno, kana maayo lang. Kami malipayon sa pagpakig-uban kaninyo dinhi, malipayon gyod. Ang Dios sa kanunay magapanalangin kaninyo!

¹⁰ Karon, aron nga makapanggawas ta'g sayo, ang uban kanila mopadulong pa sa Georgia, Tennessee, New York, sa matag lugar, gikan karong gabii, sugod ning gabhiona. Karon, pagmatngon kamo sa pagmaneho ninyo sa dalan. Kon kamo katulgon, dili kamo gusto moadto pa sa motel, hunong sa pagmaneho diha sa kilid sa kalsada ug matulog hangtod kamo. . . Mao kanay paagi akong ginahimo. Kita n'yo, pag-undang sa lamang sa pagmaneho ug matulog. Ayaw, ayaw pagmaneho samtang kamo katulgon. Kini dili maayo nga butang. Ug, hinumdomi, dili kamo, ang sunod nga tawo mao ang imong pagabantayan. Kita n'yo? Ikaw nahibalo kon asa ka paingon, dili nimo nasayran kon asa siya paingon, busa-busa pagabantayan gyod ninyo kana

nga tawo. Busa, siguradoha nga kamo mapag-igmat sa tanang panahon, sa pagbantay alang niini.

¹¹ Karon, matinguhaon ako sa pagbasa ning gabhiona sa usa ka bahin sa Kasulatan nga nakaplagan ko diha sa libro ni San Juan. Karon, kining diyutay nga mga Kasulatan nga atong pagabasahon ug pagahisgutan ngadto, mao maghatag kanato sa usa ka pasikaranan ngadto sa unsay atong gipanguha nga isulti. Ug sa kanunay, ako wala gayod ni usa ka higayon, ingon ako sa gihapon nahinumduman, ni sa gihapon pagduol ngadto sa pulpito, nga misulay pagsulti sa usa ka butang para lang may pagasultihon. Sa kanunay ako naninguha sa pagpaabot, pagtukaw, pagtoon, pag-ampo, hangtud akong mabati nga naa sa kanang usa ka butang nga makatabang sa mga tawo. Kon ako dili man makatabang, nan wala na kinahanglana ang akong pagbarog pa dinhi, kita n'yo. Kini maoy, pagpaningkamot sa pagtabang! Ug karong gabhiona, tungod kay, ang dakong bahin sa atong pundok migawas sa kaganinang buntag, ug sila kinahanglan na mamauli na sa ilang balay, kadaghana kanila. Apan, niining gabhiona, ginasulti ko kaninyo nga kon kamo nagapabilin paninguhaon ta nga may kuwarantay singko ka minuto pagpakighinabi sa usa ka butang nga akong gilauman nga makatabang kanato. Ug ato himoong pinasikad niini karon sa San Juan, ang Ika-16 nga kapitulo, ug atong pagasugdan bahin sa-sa ika-7 nga bersikulo sa ika-16 nga kapitulo, ug basahon lahos sa-sa ika-15 nga bersikulo.

Ngano suginlan ko kamo sa tinuod; nga maayo alang kaninyo nga mopahawa ako: kay kon dili ako mopahawa, ang Manlalaban dili moanha kaninyo; apan kon mopahawa ako, siya akong ipadala kaninyo.

Ug inig abot na niya, iyang pailhon ang kalibutan mahitungod sa sala, ug sa pagkamatarong, ug sa hukom:

Mahitungod sa sala, kay sila wala man mosalig kanako;

Mahitungod sa pagkamatarong, kay ako moadto man sa Amahan, ug dili na kamo makakita kanako;

Ug mahitungod sa hukom, kay ang punoan niining kalibutan gihukman naman.

Daghan pa ako'g isulti kaninyo, apan dili pa kamo makadaug sa pagdala niini karon.

Inig abot sa Espiritu sa kamatooran, kini siya mao ang magatultol kaninyo ngadto sa tibuok kamatooran; kay siya dili magasulti sa iyang kaugalingong pagbulot-an; hinonoa ang iyang madungog, mao ang iyang igasulti: ug nga butang nga umalabot iyang igatug-an kaninyo.

Siya, magapasidungog kanako, kay siya magakuha man sa mga butang nga ania kanako, ug iyang igasugilon kini kaninyo.

Ang tanang ginahuptan sa Amahan-kini ako: mao gani nga giingon ko, nga siya magakuha sa mga butang nga ania kanako, ug iyang igasugilon kini kaninyo.

¹² Karon dinhi niining ika-13 nga bersikulo. “Inig abot sa Espiritu sa Kamatooran, kini Siya mao ang magtultol kaninyo ngadto sa tibuok nga Kamatooran. Sa diha nga ang Espiritu sa Kamatooran maga-abot, Siya ang magatultol kaninyo sa tibuok Kamatooran.” Unsa ba ang Kamatooran? Ang Pulong. “Kay Siya magasulti, dili Siya magasulti sa Iyang Kaugalingon; apan kung unsay Iyang mapatalinghugan, Iyang isulti. Kung unsay Iyang mapatalinghugan, Iyang isulti.” Sa laing mga pulong, Siya ang mamahimong Usa nga magapadayag sa maong butang, nakita ninyo. Ug sa ika-4 nga kapitulo sa mga Hebreohanon, ang Biblia naga-ingon nga “Ang Pulong sa Dios mahait, gamhanan pa kay sa espada nga duhay sulab, usa-usa ka magtutugkad sa mga kaisipan sa hunahuna, sa kasingkasing.” Kita ninyo, “Kung unsay Iyang mapatalinghugan, Iyang isulti, ug Siya magapahayag kaninyo sa mga butang nga magapangabot.” Kita n’yo? Unsa ang magbuhat niana? Ang Espiritu Santo Kinsa maga-abot sa Ngalan ni Ginoong Jesus.

¹³ Ug buot kong gamiton kining sunod nga pipila ka mga minuto sa pagtawag sa inyong pagtagad diha sa pulong nga “magtotultul,” *Usa ka Magtotultul*. Hibaloan ninyo, aduna ako’y mga pipila ka mga kasinatian sa sulod sa mga kalasangan. Ang usa ka magtotultul, maoy usa nga magapakita kaninyo sa palibot. Kinahanglan na aduna kamo’y usa ka magtotultul sa dihang dili kamo nasayod kon asa paingon. Ug ingon naanad diha sa pagpangayam, ug sa kalibutan nga palibot niini, ako adunay-higayon nga matagbo ang mga magtotultul. Ug ako maoy usa ka magtotultul, ako mismo, sa Colorado, tungod kay nahibaloan ko ang maong nasud, nagapang-ranso, ug uban pa, akong mahimo ang pagpangtultol sa Colorado.

¹⁴ Karon, ang usa ka magtotultul kinahanglan masayod sa dalan. Kinahanglan masayod siya kon asa siya mopaingon ug unsay iyang buhaton, ug unsaon nga kamo maampingan pagsubay diha sa dalan. Kita n’yo? Kinahanglan nga siya magabantay aron dili kamo mawala. Ang usa ka magtotultul usa ka pinili nga tawo. Ang pangagamhanan nagapangpili niining maong tawo kon siya usa ka magtotultul. Ug, karon, sa pagpaingon nianang panaw sa kalasangan, nga tingali wala kamoy naanad sa pag-adto, dili kini’y usa ka maayong butang alang kanimo sa pag-adto nga walay usa ka magtotultul. Sa walay lipodlipod, daghang mga lugar dili ninyo gayod maaadtoan nga walay usa, pananglit, sa Canada. Ang-ang magtotultul kinahanglan pirmahan ang inyong lisensiya diha sa

tigbantay. Kinahanglan e-pirma ang iyang kaugalingon diha, ug siya'y manubag alang kaninyo. Kon may bisan unsay mahitabo diha kaninyo, kini maoy iyang responsibilidad. Gikinahanglan ampingan kamo gayod niya. Kinahanglan iyang bantayan nga dili kamo mawala. Kinahanglan iyang mapaniguro nga dili kamo madala diha sa ubang lugar nga wala kamo masayod sa inyong dalan pabalik. Ug kon mahitabo nga kamo nawala, kinahanglan nahibaloan niya pag maayo ang lugar nga iya kamong makuha sa bisan unsang orasa. Siya kinahanglan nasayod tanan niining mga butanga o siya dili mahimong usa ka magtotutul, siya dili mahimong lisensiyado nga mahimong usa ka magtotutul.

¹⁵ Alang niining mga butanga, usahay ikaw kinahanglan nga adunay pagka-sabot, tawag sa' una ug paghimo sa pag-sabot, magpareserba aron mahiuban. Ug kon inyong. . . Usahay siya puno na ug siya dili makakuha pagpa-apil kanimo, kinahanglan iirog una nimo kini kasamtangan, sa-sa yutanon nga magtotutul. Kana dili nimo kinahanglan buhaton sa Magtotutul sa Dios, Siya kanunay maandamon, kanunay andam.

¹⁶ Karon, kon dili nimo makuha kining mga pagpangandam nga himuon, ug imong gihuna-huna ang pagbiyahe ngadto sa kalasangan diin wala pa nimo maadtoan sukad, basin mahitabo nga ikaw mawala, ug mamatay. Aduna lamang kamoy usa ka porsyentong higayon nga makagawas sa kalasangan, kana maoy, kon dili kini kaayo masiot, ikaw basin siguro adunay usa ka porsyentong higayon nga makagawas pinaagi sa imong kaugalingon. Apan kon kini usa ka dilikado nga kalasangan, sa dalan pabalik, ikaw wala nay higayon makagawas pa. Walay laing paagi nga buhaton kini, tungod kay makaplagan nimo sa imong kaugalingon ang paglakaw sa kamatayon, ug unya ikaw-human ka na, tapos ka na. Karon, ug kamo malaglag gayod kon wala kay usa ka magtotutul nga nasayod sa maong dapit ug nahibalo kon unsaon sa pagbalik.

¹⁷ Daghan kaninyo ang nasayod diha sa artikulo nga nabasa ninyo sa miaging tuig sa Tucson, Arizona, niadtong mga Lalaking Eskaut. Ngani, sila gabansay para mahibalo kon unsaon pag-amping sa ilang kaugalingon, sila mga eskaut. Sila dili mga Gagmay nga Eskaut lamang, sangkap sila nga mga Eskaut. Ug sila nagbiyahe pasaka didto sa kabukiran, ug miabot ang unos nga niyebe, ang kinaiyahan nausab sa iyang kanhing kahimtang. Ug sa dihang ningpalgan nila ang ilang kaugalingon nga nawala ug ang tanan kanila nangamatay, tungod kay nga sila. . . usa ka butang, miabot ang kausaban subay sa naandan, wala sila nasayod kon unsaon paggawas. Kita n'yo? Ug nakalimot ako kon pila ka mga batan-ong lalaki didto ang nangahanaw atong bukira, bisan pag may mga helikopter, ug mga Milisya nga miadto, ug mga Nasudnong

Bantay, ug mga boluntaryong nagtabang, ug uban pa. Apan sila nangawala, walay usa nga nasayod asa na sila. Ug wala sila maka-atiman sa ilang kaugalingon. Silang tanan nangahanaw didto sa niyebe tungod kay sila wala nasayod kon napa-adto ba sila sa silangan, amihanan, kasadpan o sa kahabagatan, napaibabaw ba o napaubos, sa unsa ba kaha, ang tanan kon tanawon mao ra sa gihapon.

¹⁸ Karon, ang usa ka magtotultul nahibalo kon asa na siya, sa walay pagsapayan sa tiempo. Siya'y-siya'y sangkap sa paghimo niana. Siya nasayod kung unsay iyang pagahimuon. Iyang sinati ang tanang butang. Siya nahibalo sa mga pagtan-aw sa tanang butang, busa siya makahimo bisan diha sa mangit-ngit ug iyang mabati ang usa ka butang.

¹⁹ Pananglitan, dinhi may usa ka karaang paagi sa usa ka magtotultul. Abe ninyo, kon makita ninyo ang mga bitoon, bisag kinsa makasulti asang dalana mopaingon kon inyong sundan ang mga bitoon. Ug ikaw sa kanunay gusto nga mobantay sa usa ka tinuod nga bitoon. Aduna lamay usa ka matood nga bitoon, ug kana mao ang Bitoon sa Amihanan. Kita n'yo, may usa lang, siya mibarog diha sa mao rang lugar. Kana nagsimbolo kang Cristo, nga Siya mao kagahapon, karon, ug sa kahangturan. Ang uban natibulaag, apan Siya nagapabilin nga mao ra. Ang mga kasimbahanan tingali ipahilayo kamo *niining* dalana, o ang uban ipahilayo kamo *anang* dalana; apan Kaniya dili, Siya sa kanunay mao ra gihapon.

²⁰ Bueno, karon, kon dili mo makita kining Bitoon sa Amihanan, ug madag-om, unya imong mamatikdan, kon adlaw ug ikaw nawala, kon ikaw magalantaw sa mga kakahuyan. Ang maong kahoy permanenteng, ang lumot naa sa amihanang bahin sa kahoy, tungod kay ang habagatang bahin sa kahoy mas kanunay maigo sa adlaw kay sa diha sa Amihanang bahin. Apan unsa man kaha kon kini'y ngit-ngit ug dili nimo makita ang lumot? Kon piyongon lang nimo ang imong mga mata ug dili ka mosulay pagbuhat sa bisan unsa nga panghuna-huna, piyongon lang ang imong mga mata ug moduol ka sa kahoy nga malumoy ang panit, igakus nimo ang imong mga kamut sa kahoy ingon niini hangtod mag-abot ang imong mga tudlo, ug unya sugdi paglihok sa palibot nianang kahoya sa hinay-hinay gayod. Ug sa diha nga maigo na nimo ang usa ka bahin nga medyo ang panit mabagabaga gayod, buakon, kana maoy bahin sa amihanan (ang mga hangin), ug imong maila kon asa ka paingon, amihanan ba o sa habagatan. Ug kana nga paagi, o, adunay daghan nga mga butang, apan kini nagkinahanglan sa mga magtotultul aron mahibaloan kon unsaon sa pagbuhat anang mga butanga. Usa lang ka ordinaryong tawo ang moadto didto ug magaingon, "Wala ako'y gibati nga kalainan niini." Kita n'yo? Kita n'yo, kinahanglan kamo matudloan alang nianang pagtultol.

21 Ug kining mga batan-ong lalaki, sa walay pagduha-duha apan sila maayo nga mga eskaut, makahimo sila siguro sa pagbugkos sa mga hikot, makahimo sila siguro sa mga paghaling pinaagi sa mga bato, ug uban pa sama niana. Apan ang paghibalo nimo sa agihan sa paggula, kana maoy ideya! Sila, sila wala mahibalo sa ila nga agianan sa paggula, busa mao nga silang tanan nangahanaw tungod kay wala sila magkuha'g magtotultul kanila.

22 Usa ka walay paghunahuna nga amahan, mga duha na ka tuig ang milabay, sa Colorado, o, miadto siya didto sa kabukiran, may uban siya nga gamay nga bata nga duol sa unom, pito ka mga tuig ang kagulangon. Iyang pagadad-on siya sa sa una niyang pagpangayam sa usa. Busa nangadto sila sa habog nga bukid, ug ang gamay nga bata misulti ngadto sa iyang amahan, “gikapoy na man ko.”

23 “Pagbaba sa akong likod. Kita wala pa makataas husto sa ibabaw, ang mga usa atua sa kinatas-an.” Sa walay hunong ug sa pagpadayon paglakaw sa tawo hangtod nga naabot. . . Siya wala nahibalo, siya usa ka tawo nga siyudadnon. Siya walay kasayuran bisan unsang bahin sa pagpangayam o kon diin ba siya moadto. Bisan kinsang tawo nga nasayod sa bisan unsa bahin sa kalasangan nahibalo gyod nga ang usa wala gyod nagapuyo ana sa habog. Sila dili nagasaka didto. Ang mga kanding makahimo sa itaas didto, dili ang usa. Sila tua sa ubos kon asa sila makakaon, adto gyod sila kon diin tong usa ka bahin nga may makaon. Ug, busa, apan kining tawhana naghunahuna, “kon ako makaabot sa habog nga mga bato sa usa ka dapit sa ibabaw didto, makakita gyod ako'g usa ka toro.” Nakakita na siya'g larawan sa uban nga nagabarog sa-nagabarog didto sa usa ka bato, ug siya naghuna-huna nga didto niya siya makaplagan. Ayaw n'yo tagda kon unsay mabasa ninyo sa mga magasin, sus, o, sus, malingla lamang kamo! Niana, aduna lamay usa ka butang nga inyong pagabuhaton, nga mao ang pagdala ug usa ka magtotultul diin kamo mahibalo kon asa na kamo.

24 Ug kadtong amahan, nikalit abot ang ulan sa ibabaw didto, usa sa mga hinanali nga mga ulan nga nagabot. Ug ang tawo nangayam ulahi na, hangtod nga nagabhin-an ug siya dili na makakita sa iyang dalan pabalik. Ug ang. . . unya ang hangin miabot latas ibabaw sa kabukiran, ug siya sa iyang kaugalingon nagalakar dali, ug mao kana'y. . .

25 Kamo dapat makahibalo kon unsaon pagkalingkawas, kon kamo maabtan. Aduna pay laing butang, mahibaloan unsaon sa pagpakalingkawas! Ako misaka sa mga kahoy ug midailos pagpaubos, ug misaka sa mga kahoy ug mopadailos paubos, pataas ug paubos ingon niana, sa pagpakabuhi. Ako gikahig ang niyebe nga moupat ka piyi ani sa matag kilid, gibali ang usa ka sanga ug ako kining gibutang pahigda. Ug sobra kagutom nga ako dili na makahimo halos pagtindog! Ug gipamutol ko kining

mga guwang nga sanga, ug gihalingan sila ug kini gipainit ug natunaw ang niyebe. Ug unya mga ala unang takna sa buntag, alas dos, gipang-bira balik ang mga sanga, ug mihigda diha sa mainit nga yuta, aron lang mabuhi. Ug dapat inyong masayran kon unsaon sa paghimo kining mga butanga.

²⁶ Ug kining tawhana wala nasayod sa unsay iyang ginabuhay, siya walay kauban aron mogiya sa iya. Ug iyang gipasandig ang iyang gamay nga kaugalingong anak sa iyang dughan hangtod nga iyang namatikdan nga ang bata namugnaw na ug namatay. Wala gyod gahunahuna! Kon may usa pa lang ka magtotultul nga gikauban niya, iyang nadala unta siya palugsong gikan sa bukid bisan unsang orasa pa ato, kita n'yo. Apan siya nagpaabot hangtod naabtan siya sa kangit-ngit, busa dili na niya makita ang iyang dalan sa palibot.

²⁷ Mao kanay problema sa mga Cristohanon karon. Sila nagahulat hangtod ang kangitngit nagpatigbabaw, pagkahuman inyong makaplagan nga kamo milakaw nga walay Magtotultul. Ang Magtotultul!

²⁸ Ngano ba, nakakita na ba mo sa tawo nga nahisalaag? Si kinsa na adunay kasinatian sa pagdala sa usa ka tawong nahisalaag? Kini maoy pinaka-makaloluoy nga butang nga inyo gyong makita. Kung ang tawo nawala, naga latagaw siya. Wala siya mahibalo kon unsay iyang ginahimo. Nakatagbo kami sa usa ka tawo didto, usa ka batan-ong lalaki, ug siya nawala sa mga kakahuyan, ug siya nagadahum... Usa siya ka rantsero, apan siya nakasulod sa dili mao nga teritoryo ug siya nawala, ug mibalik. Ug sa dihang nakita nila siya sa milabay nga tulo ka adlaw, siya nagdagandagan maingon sa usa ka ihalas nga tawo, nga nagasiyagit sa pinakataas niyang tingog. Ang iyang mga ngabil nangasamad na, ug iyang gilabay ang iyang posil ug wala siya nasayod kon unsay pagabuhaton. Ug sa dihang ang iyang kaugalingong Igsoon, sa dihang... Gikinahanglan nila siya dakpon ug gaposon. Ug sa dihang ang iyang kaugalingong Igsoon miduol kaniya, gibugno siya niya morag pareho sa mananap, naninguha pagpaak kaniya, wala siya nasayod kon asa na siyang dapita. Ngano? Siya nawala. Kung ang tawo mawala, siya anaa sa usa ka kahimtang nga naglibog. Ug wala siya masayod nga siya anaa nianang kahimtanga, tungod sa iyang pagkawala miabot kining maong hilanat kaniya, ug wala siya'y kasayuran kon diin na siya ug unsa ang iyang ginalihok.

²⁹ Busa ingon usab niini ang usa ka tawo nga nawala gikan sa Dios! Iyang pagahimuon ang mga butang nga sa kasagaran dili niya mabuhay. Iyang pagabuhaton ang mga butang nga-nga sobra na sa mga hunahuna nga angay ginabuhay sa tawo. Ang nawala nga tawo gikan sa Dios, ang nawala nga iglesiya gikan sa Dios, usa ka iglesiya nga nahilayo gikan sa Dios, nahilayo gikan sa mga patukuranan sa Biblia sa Dios, magabuhay sa mga butang nga usahay dili ka makalaum nga makaplagan

sa Iglesia sa buhing Dios. Sila mang-ngwarta pinaagi sa mga dulang bungko, pagdula sa loteriya, pagsugal, bisan unsa na lang kutob sa ilang mahimo. Ilang ipangtudlo ang bisan unsa nalang, gipangtugutan ang bisan unsang butang, haploy haployon ang tawo sa likod kon kini daku'g amot sa simbahan, ug uban pa nga maingon niana, aron pasagdan sila niini. Mao kana'y tinuod. Pagbutang sa mga diakono diha sa saliganan nga nagmenyo sa makaupat o makalima na nga mga higayon, aron lang mapalabay kini, aron lang matagbo ang ilang mga panginahanglan. Adunay usa lamang ka panginahanglan nga inyong matagbo, kanang, maong inyong obligasyon ngadto sa Dios. Pagbarog ug isulti ang Kamatooran! Nawala, ang nawalang tawo anaa siya sa kalibog nga kahimtang, siya usa ka tawong buang.

³⁰ Ang magtotultul adunay pagsabot, kon unsaon sa paglakaw ug unsay pagabuhaton. Ang Dios diha . . . Ang Dios sa kanunay nagpadala'g usa ka magtotultul ngadto sa Iyang mga katawhan. Ang Dios wala gyod napakyas. Siya nagpadala sa usa ka magtotultul, apan nagkinahanglan nga inyo gayod dawaton ang magtotultul. Kita n'yo? Kinahanglan motoo ka niini. Kinahanglan mosubay ka sa dalan nga iyang gipang-ingon. Kon kamo makaabot ngadto sa kalasangan, ug ang magtotultul ninyo nagapang-ingon “subay ta aning dalana,” bisan niana ikaw naghunahuna nga mosubay adtong dalana, mosangko gayod kamo ngadto sa pagkawala. Unya sa dihang kamo . . . Ang Dios nagpadala kanato ug usa ka magtotultul aron sa paggiya kanato, kinahanglan mosunod gyod kita nianang magtotultul. Bisan unsa pay atong gipanghunahuna, bisan sa unsay panglantawon nga makatarunganon ug sa unsa ka binuang, wala kitay katungod nga mobulag niana, ang usa lang gayod ka magtotultul.

³¹ Ang Dios, sa Daang Tugon, nagpadala sa mga propeta. Sila maoy mga magtotultul, tungod kay ang Pulong sa Dios miabot sa propeta. Sila mga magtotultul. Ilang gipangtudluan ang mga tawo ingon sa atong nahisgutan kagabii, ni Isaias ug Osias. Sila gitudloan, ug ilang gitudloan ang mga tawo ug gitultulan sila. Ug karon ang Dios sa kanunay nagpadala sa iyang mga magtotultul, Siya sa kanunay gyod wala nahitabo nga walay magtotultul, sa tanang mga kapanahunan. Ang Dios sa kanunay gyo'y usa ka tawo nga mo-representar Kaniya dinhi sa ibabaw sa yuta, sa tanang kapanahunan.

³² Karon, usahay sila mibulag sa magtotultul, “nahibulag sa silak,” kon tawgon nato kini. Sa dihang si Jesus nia dinhi sa ibabaw sa yuta, wala ba mo makahinumtum nga si Jesus miingon sa mga Fariseo, “Kamong magtotultul nga buta”? Buta nga mga magtotultul, buta sa espirituhanong mga butang. Kita n'yo? Karon, sila gidahum unta nga mga magtotultul, mga magtotultul sa mga tawo, ginatultulan ang mga tawo ngadto sa kaluwasan. Apan si Jesus miingon, “Buta kamo!” Ug Siya

miingon, “Pasagdi sila, kay kon ang mga buta magagoyod sa buta, dili ba silang duha mahulog sa gahong?” Buta nga mga magtotultul! O, unsa man nga ang kalibutan nangatakdan na niana, buta nga pagtotultol. Siya dili gusto kaninyo nga magsalig sa inyong mga kaugalingong pagsabot. Ang Dios dili buot kaninyo nga magsalig sa inyong mga pagpanabot o sa inyong mga panghunahuna, o sa bisan unsang mga tawhanong panghunahuna.

³³ Ang Dios nagpadala sa usa ka Magtotultul, ug ang Dios gusto nga kamo mohinumdum nianang Iyang natudlong Magtotultul. Ug kinahanglan mahinumduman nato Siya. Dinhi Siya nagapang-ingon, si Jesus miingon, “Ako dili magabiya kaninyo, apan Ako mangamuyo sa Amahan ug Siya magapadala kaninyo’g laing Manlalaban.” Ug kining Manlalaban, sa dihang mahiabot na, mutultol kanato sa tibuok Kamatooran. Ug ang Pulong sa Dios mao ang Kamatooran, ug ang Pulong mao si Cristo, “Ako ang Dalan, ang Kamatooran, ug ang Kinabuhi.” Siya mao ang Pulong, “Sa kinasugdanan mao ang Pulong, Ug ang Pulong uban sa Dios, ug Dios ang Pulong. Ug ang Pulong nahimong tawo ug nipuyo tipon kanato.” Nan kon kita mosunod sa matood gayod nga Magtotultul, ang Espiritu Santo, Siya magasulti kanato kon unsay Iyang nakita, sa unsay Iyang nadungog, ug Siya magapakita kanato sa mga butang nga umaabot. Amen. Diha kamo. Siya magapadayag kaninyo sa tanang mga butang nga moabot.

³⁴ Ug sa diha ang mga kasimbahanan karon nagasalikway Niana, unsaon pa kaha nato pagdahum sa pag-adto sa Langit? Sa dihang ang Espiritu Santo gipadala kanato para usa ka Magtotultul, mokuha man hinuon kita pipila ka Kardinal, Obispo, pipila ka punuang magdudumala, o uban pa sama niana nga magagiya kanato, sa diha ang Espiritu Santo gikahatag sa ato sa pagtultol kanato.

³⁵ Ug ang Espiritu Santo sa kanunay nagapanglitok sa Pulong. “Aduna akoy daghang mga butang nga isulti kaninyo, dili pa kamo makasabot Niini karon, apan sa dihang moanhi na Siya, Iya kamong tultulan paingon Niini.” Mao kana’y hinungdan sa pag-abot sa mga Timre. Sa pagkahinapos sa Ikapitong Timre, ang tinago sa Dios pagatumanon na, sa pagpakahibalo kinsa ang Dios, kung unsa Siya, kon unsa Siya nagkinabuhi, ang Iyang kinaiyahan, Ang pagka Siya. Kamo unta nia na niining *dapita* nianang panahona, kita n’yo, magadala kanato nganha sa kinatibuk-ang sukod sa mga anak nga lalaki ug mga anak nga babae sa Dios, usa ka Iglesiya nga nahugasan sa dugo ni Cristo, nga diin napalit nga walay kwarta, diin gibayran pinaagi sa Dugo ni Jesus Cristo.

³⁶ Karon, ania kita, sa usa ka Magtotultul, ug Siya mao ang Magtotultul nga gitagana sa Dios. Karon, milatas kita sa usa ka kalasangan ug ania kita sa atong dalan sa usa ka dapit, ug

dili kita makasubay kon wala kining Magtotultul. Ug ipangahas ang uban sa pagsulay sa pag-puli sa laing magtotultul! Kon inyo man kanang buhaton, siya magapahalayo kanimo sa maong agianan. Kining Magtotultul nasayod sa dalan! Siya nasayod sa matag-pulgada sa dalan. Iyang nasayran ang matag-hunahuna nga anaa diha sa inyong kasingkasing. Siya nasayod sa tanan nga ania dinhi. Siya nasayod kon kinsa ikaw ug unsa ang imong nabuhat, ug ang tanan nga mahinungod kaninyo. Siya maoy magtotultul sa Dios, ang Espiritu Santo, ug magapahayag sa mga butang diha kaninyo, ug magasulti sa mga butang nga Iyang nadungog, makahimo sa pagbalik sa inyong mga pulong ug mosulti sa unsang inyong giingon. Amen. Mosulti kanimo kon unsa imong gigikanan, unsa imong nabatonan, asa ikaw paingon. Usa ka Magtotultul, ang hustong Magtotultul, ug Siya magatultol kanimo sa tibuok Kamatooran, ug ang Iyang Pulong mao ang Kamatooran.

³⁷ Karon, ang Espiritu Santo dili gyod mahimo, mag-ingon “amen” ngadto sa pipila sa matang sa kredo nga gihimo’g tawo. Mopunto kini lamang sa Pulong sa Dios uban sa “amen,” ’kay Kini mao. Ang Espiritu Santo dili magadala kaninyo sa bisan unsang lain nga dalan. Karon ang talagsaong butang mao, nga kita tanan, tanan sa atong dagkong mga denominasyon ug mga butang, kita gaangkon ang matag-usa gigiyahan sa Balaang Espiritu, ug aduna’y sama ra sa diperensiya ingon nga naay adlaw ug gabii diha sa tanan kanato.

³⁸ Apan sa dihang si Pablo, nianang diyutay nga Pariseo nga nakadawat sa Espiritu Santo sa diha nga si Ananias nagbautismo kaniya, ug siya miadto sa Arabia ug mitoon sa tulo ka tuig, mibalik, ug wala mikunsulta sa Iglesia bahin sa bisan unsang butang sa katurse ka mga katuigan, ug sa dihang miabot siya ug natagbo si Pedro, ang ulo sa Iglesia sa Jerusalem, sila nagakauyon sa Doktrina. Ngano? Mao ra ang Espiritu Santo! Diin nga si Pedro nagbautismo sa Ngalan ni Jesus Cristo, gihimo gihapon ni Pablo nga mao ra nga walay nagsulti kaniya. Diin nga si Pedro nagtudlo sa bautismo sa Espiritu Santo, ug pagkabalaan, ug uban pa; Si Pablo naghimo sa mao rang butang, sa walay pagkonsulta sa Iglesia, tungod kay Kadto mao ra nga Magtotultul. Nan mag-unsang naman ta ani karon nga ang mga tawo mosalikway man niining mga Kamatooran? Sa dihang si Pedro nagtudlo sa unsay iyang gibuhath bahin sa paagi sa Iglesia aron nga kadto ma-plastar, si Pablo adunay mao rang Doktrina, ’kay sila adunay mao rang Magtotultul.

³⁹ Ang Magtotultul dili pagadad-on ang usa *niining* paagiha, ug ang usa *nianang* paagiha, ug ipadala ang usa sa silangan ug ang laing usa sa kasadpan. Iyang hiusahon kamong tanan. Ug kon ato lang tugotan ang Espiritu Santo nga hiusahon kitang tanan, kita mahimong usa. Kon-kon dili lang nato tugutan ang Demonyo sa pagbira kanato adto sa sayop nga dalan, magka-

usa ang atong kasingkasing, usa ka hunahuna, usa ka tumong, pinaagi sa usa ka Espiritu, ang Espiritu Santo, ang Magtotultul sa Dios nga magatultol kanato ngadto sa tibuok Kamatooran. Mao kana'y tinuod. Apan nagkinahanglan nga sundon nimo ang imong Magtotultul. Oo, sir.

⁴⁰ Tan-awa si Nicodemo, nagkinahanglan siya'g usa ka Magtotultul, tinuod siya maoy mahait sa salabutan nga tawo. Siya usa ka magtutudlo, na mokabat na sa otsenta anyos ang panuigon. Siya usa sa mga Fariseo, o-o sa mga Corte sa Sanhedrin, sa Konseho, Pang-ministro nga Kapunungan. Siya maoy usa niadtong ilang mga bantugang tawo, usa ka magtutudlo sa Israel, usa ka batid niini. Hunahunaa, usa ka batid nga magtutudlo! Oo, iyang nahibaloan ang mga balaod, apan pag-bahin na sa pagpakatawo pag-usab, gikinahanglan niya ang Magtotultul. Siya gigutom alang niini. Siya nasayod nga may usa ka butang nga lahi. Ang iyang pagpakighinabi ni Cristo nianang gabhiona nagpamatuod kini. Gipamatood usab kini niini, ang gibati sa uban sa kanila, apan walay usa sa kanila nga nakabaton sa pinaka-hilabihan nga kaisog nga anaa sa iya. Wala gyo'y usa sa kanila nga makaadto didto ug pagbuhat sa unsay iyang gihimo. Kamong tanan, nga mga katawhan, gihukman si Nicodemo sa pag-adto didto sa kagabhion. Mitungha siya didto. Nakaabot siya. Nasayod ako nga ang uban nga mga tawo dili gani molihok, adlaw o gabii. Apan siya nakaabot didto, ug siya nagkinahanglan sa Magtotultul, ug siya miingon, "Magtutudlo, kami," gikan sa Corte sa Sanhedrin, "kami nahibalo nga Ikaw usa ka Magtutudlo nga gikan sa Dios." Nganong nahibalo man siya niini? Siya gipamatood-an. Kita n'yo, gusto siya nga masayod unsay buot ipasabot niining bag-ong pagpakatawo, ug siya niadto ngadto sa hustong Usa, tungod kay ang Dios gipamatud-an nga Kini maoy Iyang Magtotultul, si Jesus. Tan-awa unsay iyang gi-ingon, "Magtutudlo, nahibalo kami nga Ikaw maoy usa ka Magtutudlo nga gikan sa Dios, 'kay walay makahimo sa mga butang nga Imong gibuhat, 'gawas nga ang Dios uban kaniya."

⁴¹ Kadto maoy usa ka pagpamatood didto, nga adunay usa ka buhing Dios sa sulod Niya. Unsay Iyang gipamatood, "Dili Ako ang nagahimo sa mga buhat; Ang Akong Amahan nga nagapuyo sa sulod Nako. Sa pagkatinuod magaingon Ako kaninyo, ang Anak walay mahimo sa Iyang kaugalingon; apan sa unsay makita Niya ang Amahan maoy nagahimo, nga gibuhat man sab sa Anak. Ang Amahan nagapangbuhat, ug Ako nagapangbuhat hangtod karon." Sa laing mga pulong, ang Dios nagpakita Kaniya unsay pagahimoon, ug Siya milakaw ug gibuhat lamang kini. Wala gyod Siya mobuhat sa bisan unsa hangtud na ang Dios misulti Kaniya sa pagbuhat niini. Amen. Mao kanay tinuod bukas nga mga kamatooran niini. Kon kita molihok lamang ug magapaabot hangtod ang Espiritu mopalihok kanato sa

pagbuhat niini! Mao kana. Ug unya sa bug-os gayod nawala diha kay Cristo nga Siya dili na kinahanglan motukmod-tukmod kaninyo ingon sa iyang gibuhath kanako, apan sa unang gamay'ng yango sa Iyang ulo, andam kana ug wala na makapahunong kaninyo, kay kamo nasayod nga kini maoy kabubut-on sa Dios.

⁴² Siya nagkinahanglan sa Magtotultul. Siya maoy gipamatud-an nga Magtotultul. Siya mahimong giyahan niining Magtotultul tungod kay siya nasayod niining Magtotultul dinihugan sa Dios. Siya nasayod nga ang mga tradisyon nga iyang gialagaran, tingali pinaagi sa mga Fariseo, sa mga Saduceo, ug uban pa, siya nag-alagad niadtong mga kredo sa gihapon ug nakita nga wala ma'y nahitabo. Apan ania mi-abot ang usa ka Tawo sa maong hugna, nagaingon nga Siya maoy usa nga gisaad nga Mesias sa Biblia. Ug unya Siya milingi ug mibuhath sa mga buhat mismo sa Dios. Si Jesus miingon, "Kon ang akong gipamuhath dili man mga buhat sa Akong Amahan, nan ayaw kamo pagtoo Kanako. Apan kon kamo dili makatoo Kanako, toohi ang Akong mga gipamuhath, kay sila nagapamatood Kanako."

⁴³ Nan, dili ikahibulong nga si Nicodemo makaingon, "Magtutudlo, kami nahibalo nga ikaw maoy usa ka Magtutudlo nga gikan sa Dios, kay walay tawo nga makahimo sa mga butang nga imong ginahimo gawas nga ang Dios uban Kaniya." Kita ninyo, nagkinahanglan siya sa Magtotultul, bisag siya usa ka hanas sa maong butang. Siya maoy usa ka agalon sa iyang iglesia. Siya may katakus, ug siya may-siya may mga inilang kahimtang, ug siya usa ka bantugang tawo; walay pagduhaduha, renispitohan sa mga tawo tibuok nasud. Apan sa dihang pagahisgutan na ang pagpakatawo pag-usab, siya nagkinahanglan sa usa ka Magtotultul! Mao man usab kita, sa tinuod, kita nagkinahanglan usa ka Magtotultul.

⁴⁴ Si Cornelio, siya usa ka bantugang tawo, talahurong tawo. Siya nagtukod sa kasimbahanan. Siya nagrespito sa mga Judio tungod kay siya nasayod nga ang ilang relihiyon husto. Ug siya naglimos, ug nag-ampo sa matag-adlaw, apan sa dihang ang Espiritu Santo miabot (may Usa ka butang nga nadugang sa Iglesia), siya nagkinahanglan sa Magtotultul. Ang Dios nagpadala kaniya sa Espiritu Santo. Iyang gipadala kini sa persona ni Pedro, "Kay samtang nagsulti pa si Pedro niining mga Pulonga, ang Espiritu Santo mikunsad kaniya." [Blankong bahin sa teyp—Ed.] Ang Dios naggamit sa Magtotultul pinaagi ni Pedro. Iya Kining gigamit, tungod kay Iyang gitudloan si Cornelio sa hustong dalan. Ug samtang nagasulti pa siya, ang Espiritu Santo mikunsad ibabaw sa kanilang mga Gentil. Ug unya siya miingon, "Aduna bay makasalanta sa tubig, nga dili sila mabawtismuhan?" Kita ninyo, sa gihapon ang Magtotultul nagapanulti, dili si Pedro. Tungod kay kadto maoy pundok sa Judio. . . O mga Gentil, "dili limpyo, mahugaw" alang kaniya, ug siya dili gusto gani moadto. Apan ang Magtotultul

nagingon, “Ako nagapadala kanimo.” Kamo nagabuhat sa mga butang nga wala ninyo gihunahuna nga mabuhat, sa diha nga ang Magtotultul makuha ang hingpit nga pagdumala, kon tugotan ninyo Siya nga magtultol kaninyo. O, daw unsa ka anindot mapangulohan pinaagi sa Espiritu Santo. Siya ang Magtotultul. Husto. Siya militok pinaagi ni Pedro ug nagingon kaniya kon unsay iyang angay pagabuhaton. Nan sa diha ang tanan nakadawat sa Espiritu Santo, siya niingon, “Kita dili makasalanta sa tubig, sa pagpakakita kining mga nanagpakadawat sa Espiritu Santo sama sa atong gihimo sa kinasugdanan.” Ug ilang gibawtismuhan sila sa Ngalan ni Ginoong Jesus. Karon, kinsa ba ang nagmando kaniya paghimo niana? Ang Magtotultul nga anaa kaniya. Dili ba si Jesus nagsulti kanila, “Ayaw kamo kalibog kon unsay inyong igasulti, tungod kay dili kamo ang nagasulti; ang Amahan nga nagapuyo diha kaninyo, Siya ang nagapanulti?” Amen.

⁴⁵ Ang enunoco, milugsong gikan sa Jerusalem. Ug ang Dios adunay Magtotultul diha sa kalibutan nianang higayona, ang Espiritu Santo, ug Siya adunay tawo ubos didto nga gidihugan niining maong Magtotultul. Siya dili gani usa ka magwawali, siya morag sama sa usa ka diakono. Ug siya tua didto nagapang-ayo sa maysakit ug nagapangpagawas sa mga demonyo, ug mihimog dakong kaguliyang, dakong kalipay tua adtong siyudara. Mga ginatos sa mga tawo ang nagkatigum palibot kaniya, ug ang Magtotultul nag-ingon, “Kanang gilayon igo na, balik ta diring dalana.” Wala gyod siya makiglalis sa iyang Magtotultul.

⁴⁶ Ayaw gyod mo pakiglalis sa Pulong sa Magtotultul. Sunda Siya. Kay kon dili kamo, kamo mosangpot sa pagkawala. Ug, hinumdomi, sa diha kamo mobulag Kaniya, kamo mag-inusara, busa kinahanglan gyod ta’g modutdot sa Magtotultul.

⁴⁷ Busa sa dalan, Siya miingon, “Biya-i kining punduka karon, Filipe, ug gawas paingon sa diserto diin walay bisan usa. Apan Akong ginapadala ikaw didto, ug may usa ka tawo didto sa diha Akong napadala na ikaw didto.” Ania miabot ang masulob-ong eunoco, siya usa ka dakong sinaligan sa Reyna sa Etopia. Busa siya milugsong, nagabasa sa libro ni Isaias. Ug ang Magtotultul miingon, “Paduol sa kalisa.”

Ug siya nag-ingon, “Nakasabot ka ba sa imong gibasa?”

⁴⁸ Siya niingon, “Unsaon ko man pagsabot kon walay tawo nga mogiya kanako?” O, sus! Apan si Felipe adunay Magtotultul. Amen. Ug siya misugod sa mao rang Kasulatan, ug giwali niya kaniya si Cristo. Amen. Ang Magtotultul! Wala siya misulti sa kredo, siya misulti kaniya bahin sa Magtotultul, si Cristo! Ug siya mibawtismo kaniya sa daghang tubig. Tinuod gyod, kadto. O, mao nay gusto ko!

⁴⁹ Sa dihang nibiya ang Israel sa Egipto paingon sa yutang saad, sa Exodo 13: 21, Ang Dios nasayod nga sila wala pa gyod nakapanaw nianang dalana kaniadto. Kadto kuwarenta lamang ka milya, apan ngani sila nagkinahanglan sa usa ka butang nga mouban kanila. Mawala sila sa ilang dalan. Busa Siya, ang Dios, nagpadala sa ila usa ka Magtotultul. Exodo 13:21, ingon ini nga butang, “Ginasugo Ko ang usa ka Manulunda sa atubangan mo, ang Haligi nga Kalayo, aron magbantay kanimo sa dalan,” sa pagtultol kanila paingon sa yutang saad. Ug ang mga anak sa Israel nagsunod nianang Magtotultul, ang Haligi nga Kalayo (magabii), Panganod sa adlaw. Sa diha Kini mohunong, sila mihunong. Sa diha Kini mopanaw, sila mipanaw. Ug sa dihang nadala na Niya sila duol sa maong yuta, ug dili pa sila takus nga mosulod, Iyang dala sila sa pagbalik sa kamingawan pag-usab. Siya dili na mouban kanila.

⁵⁰ Mao kana’y unsa, ang Iglesia ning panahuna. Walay pagduhaduha apan sa unsay ang pagpailob sa Dios ning panahuna, sama sa kaniadto sa mga adlaw ni Noe, ang Iglesia human na namiya unta kon gitarong ug giplastar ug ayo. Apan Iyang kinahanglan kita pangunahan palibot ug palibot ug palibot.

⁵¹ Diyutay ra gyod ang nahimatikdan sa Israel, sa dihang nananghugyaw sila, sa pagkakita nila sa patay nga mga sundalo sa Egipto, ang nangalumos nga mga kabayo, ang mga kalisa ni Paraon nangabalintong, ilang nakab-ot ang ilang kadaugan, si Moises diha sa Espiritu, naga-awit sa Espiritu, si Meriam nagasayaw sa Espiritu, ug ang mga anak nga babaye sa Israel nagadagan-dagan pataas-paubos sa pangpang, nananghugyaw ug nanagsayaw, sila may pipila na lamang ka mga adlaw gikan sa gatas ug dugos. Diyutay lang gyod kaayo ilang namatikdan nga kadto kuwarenta pa ka tuig, tungod kay sila nagsugod sa pagbagulbol batok sa Dios ug sa Magtotultul.

⁵² Ug atong nakaplagaan ang atong kaugalingon sa gihapon nga kahimtang. Ako moadto sa Shreveport human dinhi. Ug ang Espiritu Santo mipaubos sa Adlaw sa Paghatag Pagpasalamat, singkuwenta na ka tuig ang nanglabay, didto sa-sa Luisiana, niaadtong Adlaw sa Paghatag Pagpasalamat. Naunsa ang Iglesia nahulog sukad niadtong panahuna! Inyo bang napamalandong nga ang mga Iglesia sa Romano Katoliko sa kinasugdanan maoy Iglesia sa pentekostal? Mao kana’y kamatooran. Kana’y tinuod. Kini niadto usa ka Iglesia nga pentekostal, apan ang pormal nga mga halangdon misugod pagsulod ug miusab sa-sa mga Kasulatan sa Dios ngadto sa ilang mga tradisyon, dugangan Kini sa mga dogma, ug uban pa. Ug tan-awa unsay nakuha nila karon, wala’y bisan usa ka lakra sa Kasulatan bisan asa niini. Ilang gipulihan sa usa ka butang alang sa uban pa, usa ka tipik sa tinapay imbis ang Espiritu Santo. Ilang gipulihan sa pagwisikwisik imbis ang paglubog. Ilang gipulihan “Amahan,

Anak, ug Espiritu Santo” imbis “ang Ginoong Jesus Cristo.” Ilang gipulihan ang tanan ining dagkong mga sinulat sa Dios nga gipahimutang kanato, ug sila nahilayo, nahilayo palayo, palayo kaayo gikan sa Kasulatanong Doktrina.

⁵³ Ang Pentekost niabot sa Luisiana, singkuwenta ka mga tuig ang nanglabay, ug kon kini maabotan pag laing duha ka gatus ka mga katuigan, mas malayo pa kini kaysa Iglesia sa Katoliko, kon kini padayon nagakahulog sa paagi niining kining milabay'ng singkuwenta ka mga katuigan, 'kay sila nagapang-dugang ngadto niini sa tanang panahon, nga wala'y pu-as. Ang mga magwawali sa karaang paagi nangawala na. Ang mga panagtigum sa dalan, wala na gyod kay madunggan usa. Tanang butang sa ato maoy pulos mga butang sa Hollywood ang gidugang ngadto niini, mga babayeng pinutlan ug buhok nanggisout sa mga purol, pinintalan, ug uban pa, nagatawag sa ilang kaugalingong mga Cristohanon. Ang ubang gagmay'ng Ricky nga nagkupot sa gitara, modagan saka-kanaug sa maong lugar, ug ang mga kababayan-an nga may suot nga saninang hugot kaayo ingon sa usa . . . ingon sa usa ka lungganisa uban sa-sa panit nga milugwa na, halos, pakiay-kiay patuyok sa intablado, magadagandagan pasaka-kanaug sa intablado, nanagsayaw nga may mga arios nga naglabyog-labyog, ug usa niining diri mga gupit sa bag-ong Senyora-sa-kayuta-an, unya tawagon ang kaugalingon Kristyanismo.

⁵⁴ Unsa ang atong gikinahanglan mao ang kinaraang paagi, gipadala sa Dios, makapasog nga relihiyon nga mopaso nianang pagka-kalibutanon pagawas sa Iglesia. Atong gikinahanglan nga mobalik ngadto sa Espiritu Santo ug kalayo, pabalik ngadto sa butang nga magasunog sa mahugaw, nagadala sa kinaraang pagwali pabalik, pagpataas sa Langit, ug ma-impverno nga kainit, pangpagtuy-od. Atong gikinahanglan kanang matanga sa pagwali. Apan imo buhaton kini karon, ang imong kongregasyon botohan ikaw pagawas.

⁵⁵ Usahay ang mga maayong magwawali gipahisalaag sa ilang kongregasyon. Mao kana'y hinungdan nga ako wala'y denominasyon. Ako adunay usa lang ka punoang buhatan, kanang gikan sa Langit. Bisan asa Siya magapadala, didto ako moadto. Bisan unsay Iyang igasulti, ako igasulti. Kita dili gusto sa denominasyon. Kining Iglesia pagmaghisgot lang bahin sa denominasyon, inyo nang nawala ang inyong pastor nianang tungora. Dili ko buot nga mopabilin niini, bisag sa usa ka lima ka mga minuto. Matag Iglesia nga nagdenominasyon niadto sa binhi, ug sultihi ako kon may usang dili, ug sultihi ako kon may usa nga nakabangon pag-usab. Ang Espiritu Santo gipadala aron pangunahan ang Iglesia, dili mga pundok sa tawo. Ang Espiritu Santo maoy Tanang kaalam. Ang mga tawo nahimo nang tikig, wala'y pagpakabana.

56 Ang Dios nagsulti kanila nga Siya magapadala kanila usa ka Magtotultul, nga Siya manguna kanila sa dalan. Ug kutob nga sila nagsunod nianang Haligi nga Kalayo, maayo pa sila. Pangunahan Niya sila ngadto sa pultahan sa yutang saad, ug unya kadtong kalay-una ang Iyang taman abtan. Unya si Josue, kanang bantugang manggugubat, hinumdomi ang adlaw nga siya nagsulti kanila, “Balaana inyong kaugalingon, kay sa ikatulo ka adlaw ang Dios magaabri dinhi sa Jordan ug unya manabok kita”? Karon timan-i unsay iyang giingon (Ako gusto niini) sa Kasulatan, siya miingon, “Pabilin duol luyo sa Arka, kay wala pa kamo kanhi makalabang niining dalana.”

57 Unsa ba ang Arka? Ang Pulong. Ayaw kamo pagbiyahe sa inyong denominasyong mga rota karon, pabilin tunong luyo sa Pulong, 'kay kamo wala pa nakaagi niining dalana kaniadto. Ug, igsoon, kon aduna may panahon sukad nga ang Cristohanong Iglesia angay nga magsusi sa iyang kaugalingon, mao na karon. Kita ania karon diin niining dakong tigum nagapadayon sa Roma karon, mga kalahian ginahuman na, ang katipon-tiponan sa mga Iglesia, sa diha kining tanan nga mga denominasyon nagkausa pagtipon aron pagporma sa larawan sa mapintas nga mananap, sa tukma gayod nga giingon sa Biblia. Ug kamo nasayod unsa atong gihisgutan ganinang buntag sa mga Mensahe. Ug ania kita, mismo ang tanang butang naa na gyod sa pultahan, ug ang mga tawo nagasunod sa gihapon sa kredo. Kamo angay gyod mopabilin luyo sa Pulong! Ang Pulong maoy manguna kaninyo pagtabok, tungod kay ang Pulong mao si Cristo, ug si Cristo mao ang Dios, ug ang Dios mao ang Espiritu Santo.

58 Pabilin luyo sa Pulong! O, oo, sir! Pabilin kauban nianang Magtotultul. Pabilin tunong luyo Niini. Ayaw pag-una Niini, kamo pabilin luyo Niini. Tugoti Kini nga manguna kaninyo, ayaw nga kamo manguna Niini. Tugotan ninyo Kini.

59 Si Josue niingon, “Karon, wala pa kamo nakaagi niining dalana sukad, wala pa gyod moy hibangkaagan pa bahin ining dalana.”

60 Mao kana'y nakaapan karong panahona. Wala kamo nagkinahanglan ug magtotultul sa pagtultol kaninyo diha sa halapad nga dalan. O, kamo nasayod sa tanang mga agianan ug uban pa. Kamo nasayod sa tanang dalan sa sala. Wala na . . . Ay, kamo sukad ania na sa taas nga panahon. Wala na kinahanglan nga ang uban mosulti pa kaninyo bahin niana, nasayod na mo sa mga lakturanan. Kana maoy tinuod, matag sala, kamo nasayod tanan bahin niini. Wala na nagkinahanglan nga may mosulti pa kaninyo unsaon sa pagpangawat; kamo nasayod niana. Wala na nagkinahanglan nga may mosulti pa kaninyo unsaon pagtunglo; kamo nasayod niana. Wala na nagkinahanglan nga may mosulti pa unsaon paghimo niining dautan nga mga butang, tungod kay kini gidikit na diha kada kahoy sa bisan asa.

61 Apan, hinumdomi, kamong mga tawo nga mga Cristohanon, mitabok na kamo. Kamo dinha na sa ubang Yuta. Kamo nangatawo na pag-usab. Kamo anaa na diha sa Yuta, usa ka Langitnong Yuta. Kamo anaa na diha sa Yutang Saad.

62 Kamo makatan-aw, kamo nahibalo sa inyong dalan palibot dinhi. Ay, sus, tinuod. Kamo nasayod ngano-ngano, unsaon sa pagbarog kung unsa ang gihuptan nga mga baraha. Kamo nasayod unsa ang dayis, sa diha kini motuyok, unsa kini ipasabot, ug uban pang ingon niana. Apan kon bahin aron sayron ang pagkabalaan ug pagkamatarong ug ang gahum sa Dios, ug unsaon sa Espiritu Santo pagpamuhat ug unsay Niini nabuhat, maayo pa kamo pabilin tunong luyo sa Pulong, ang Magtotultul. Kita ninyo? Kamo wala pa gayod nakaagi niining dalana kaniadto.

63 Bueno, kamo moingon, “Ako usa ka listo gyod nga tawo, Ako adunay-ako adunay duha ka mga titulo sa kolihyo.” Mas maayo pa imo kalimtan kini. Oo, sir.

64 “Ako nakalampos ngadto sa seminaryo.” Maayo pa inyo kalimtan kini. Oo. Kamo maayo pa pabilin luyo sa Magtotultul. Tugoti Siya nga manguna kaninyo. Siya nangasayod sa dalan; kamo wala. Kamo wala pa nakaagi ining dalana sukad. “Bueno,” kamo moingon, “sila nakaagi.”

65 Kita ninyo kon sila nakaagi. Si Jesus miingon, “Kadtong nakaagi niining dalana, kining mga ilhanan maganunot kanila. Sa Akong Ngalan, ilang pagulaon ang mga yawa, magasulti silag mga bag-ong sinultihan; o makakupot silag mga bitin o maka-inum sa mga butang nga makahilo, dili kini makadaut. Kon ilang pagapandongan sa ilang mga kamot ang mga masakiton, mangayo sila.” Kadaghanan kanila mosalikway Niini, magdumili Niini, moingon Kini dili ngani tinuktukan. Sila wala nagasunod sa Magtotultul. Sila nagasunod sila sa kredo nga binuhat ug tawo. Kamo maayo pa mopabilin tunong luyo sa Pulong, tungod kay kamo wala pa sukad nakaagi niining dalana, kamo nasayod.

66 Apan kamo matawo na pag-usab, ug natawo na kamo ngadto sa pagkabalaan. Kamo wala pa nakaagi niining dalana kaniadto. Kamo naka- . . . Kon kamo moagi niining dalana, kamo kinahanglan moagi sa pagkabalaan, tungod kay kini maoy usa ka bag-ong Yuta, usa ka bag-ong Kinabuhi, usa ka bag-ong mga tawo.

67 Kamo moadto sa simbahan ug kamo makadungog sa uban nga motindog, mosiyagit, “Dalaygon ang Dios! Alleluja!”

68 Ngano, kamo moingon, “Naku, kapuangod, wala kana nila sukad gibuhat sa akong simbahan! Ako’y motindog ug mogawas!” Kita n’yo? Pagmatngon.

69 Pabilin luyo sa Pulong, karon, tugoti ang Magtotultul manguna kaninyo. “Siya magatultol kaninyo sa tibuok Kamatooran, ug mopadayag kining mga butanga nga Akong

gipanghisgutan kaninyo. Siya magapakita kaninyo niana. Siya magasulti kaninyo sa mga butang nga magaabot,” ang matood nga Magtotutlul. Ayaw adto sa obispo; adto sa Magtotutlul. Ayaw adto ni bisan kinsa kundili sa Magtotutlul. Siya ang Usa nga gipadala sa pagtultol kaninyo. Siya ang Usa nga magahimo niini. Ang Dios nagtagana kaninyo sa Magtotutlul. Dawata ang paagi nga gitagana sa Dios.

⁷⁰ Ang nakaapan niini karong panahuna, nga ang mga tawo nga moadto sa simbahan molingkod lang sa pipila ka mga minuto, usa ka butang nga nagapadayon nga wala nila naandan.

⁷¹ Akong gitimbaya ang usa ka gamayong babaye gikan sa mabugnawon linagda nga simbahan, bag-uhay pa lang naampoan siya. Ang Dios magaayo sa gamayong babaye. Siya wala nakasabot niini. Siya walay kasayuran bahin niini. Siya misulod, siya miingon siya wala kabalo. Apan Akong gi-ignan siya, “Duol ngani ug pakighibalag kanako.” Siya daw maulawon ug madili-on, apan ang Magtotutlul padayon misulti kaniya, “Padayon.” Iyang nabatonan kini. Mao kini. Kita ninyo, kini tungod sa Espiritu Santo nga nagatultol kanato niining mga butanga. Kita ninyo, Ang Dios adunay gitagana nga paagi.

⁷² Inyo bang sukad. . . Nakamatikod ba kamo sukad sa gangsa nga ihalas minglatas, ang mga pato nagapaingon sa habagatan? Bueno, karon hinumdomi, nga may gamayong gulang nga pato natawo didto sa lanaw sa laing lugar. Siya walay kasayuran sa silangan, amihanan, kasadpan, ug habagatan. Siya walay laing nahibaloan kundili kadtong lanaw lang nga nahimutang didto sa mga bukid sa Canada. Siya wala sukad mipalayo niadtong lanawa, apan siya natawo nga usa ka lider. Kadtong gamayong laking pato natawo aron mahimong usa ka lider. Ug ang unang butang, usa ka gabii niana adunay usa ka dakung nyebe miabot sa tibuok ibabaw sa mga bukid. Unsay nangahitabo? Kadtong mabugnawng hoyohoy mipaubos latas lahos didto. Akong mapamalandong siya nga nagakurog, nagaingon, “Mama, unsa bay buot niini ipasabot?” Kita ninyo, wala pa niya mabati kadtong kabugnaw sa panahon kanhi. Siya nagsugod sa pagpaniid sa palibot, siya nagsugod sa pagpaniid sa palibot sa tumoy sa maong lanaw, kini nagsugod nag kagahi, ang yelo nagaabot sa lanaw. Siya wala mahibalo, apan sa hinanali. . . Siya natawo aron mahimong usa ka magtotutlul nianang panon sa mga pato. Siya milukso tunong sa taliwala sa maong lanaw sa dihang kini gimakmak kaniya. Inyong tawagon kini sa unsay inyong gusto. Atong gitawag kini inspirasyon, o kamo makatawag niini, oh, kinaiya lamang, bisan unsa pa kini. Siya’y midagan tunong mismo sa taliwala sa lanaw, gipatindog kanang gamay nga tutot hangad ibabaw sa hangin, ug lakaw, “Tutot-tutot, tutot-tutot!” Ug ang kada pato adtong lanawa nangaduol mismo kaniya. Ngano? Nasayod sila sa ilang lider, sa paagi sa iyang mga pagtutot.

73 “Kon ang trumpeta magahatag sa dili tin’aw nga tingog, kinsa ba ang makaandam sa iyang kaugalingon alang sa gubat?” Husto. Kinsa ba ang makaandam iyang kaugalingon alang sa gubat kon ang trumpeta magahatag sa dili tin’aw nga tingog?

74 Bueno, kon kadtong gamayong pato mohatag sa dili tin’aw nga tutot, kinsa ba ang makaandam sa iyang kaugalingon alang sa paglupad? Kanang gamayong gulang nga pato magapatindog sa iyang diyutay nga tuka didto, ug misiyagit, “Tutot-tutot, tutot-tutot!” ug ang kada gagmay nga pato moduol kaniya. “Tutot-tutot, tutot-tutot!” Ari na sila. Ingon sa usa ka kasadyaan nga ilang maangkon, mismo didto sa taliwala sa maong lanaw, nagtinuyok tuyok pag-usab ug usab ug usab. Unya sa makadiyut iyang bation kini nagpanlihok kaniya, siya kinahanglan mobiya na. Iyang giplastar ang iyang gamay nga mga pako paubos ug milupad palayo nianang lanaw, mipataas sa hangin ug mituyok sa maka upat o makalima mga higayon, ug milupad lang diretso ngadto sa Louisiana kutob sa maadtoan niya, ang matag pato tunong sa luyo kaniya. “Tutot-tutot, tutot-tutot,” Ari na siya moabot. Ngano? Siya usa ka magtotultul! Amen! Ang mga pato nakaila sa ilang magtotultul, ang iglesia wala gyod. Oo, siya nasayod unsay himoon.

75 Tan-awa sila nga mga gulang nga mga gangsa, diretso gikan sa Alaska. Karon, adunay gulang nga laking gangsa nga sa kanunay nagapanguna kanila, ug silang mga gansa kinahanglan maga tutok gyod kaayo sa maong gangsa nga laki. Ilang kinahanglan mahibaloan kung unsang paningog bahin sa gisulti sa gangsa nga laki. Nabasa na ba ninyo kana sa *Look* na magasin dinhi mokabat na sa upat ka mga tuig ang milabay, diin usa ka gulang nga laking gangsa sa usa ka higayon wala masayod unsay iyang ginahimo, ug iyang gipangunahan ang usa ka pundok sa mga gangsa lahos diretso sa England? Mao kana’y tinuod. Wala pa gyod sila mahibalo pag-adto sa England kaniadto. Ngano? Sila wala pa nakamatikod sa ilang-ilang lider. Ang gulang nga laking gangsa wala nasayod kon asa siya paingon. Ug karon didto na sila ug dili na makabalik.

76 Mao usab kana’y nagakahitabo sa kining tanang mga gangsa karong panahona, sila segi’g tigum. Sila moingon, nga ang *Look* nga magasin nagaingon, kining mga gangsa nagtigum ug naglupad libot ibabaw sa England, apan wala masayod unsaon pabalik. Mao kanang nagakahitabo sa uban nga mga *gangsa* nga akong nahibaw-an. Aduna kamoy panagtigum, ug dakong pinadugay nga tigum, ug adunay pipila ka mga tigpangrebaybal nga moanha ug magwali’g makadiyot, apan wala ninyo nahibaw-i asa mo padulong. Magtigum-tigum palibot libot, tungod kay aduna moy laking gansa nga modala kaninyo palayo ngadto sa usa ka denominasyonal nga hudyaka; ug dili pagpabalik sa Pulong sa Dios, pagpabalik sa bawtismo sa Espiritu Santo. Ug unya kita nahibulong ngano nga wala nay rebaybal sa atong mga

adlaw. Kita n'yo? Kinahanglan mabatonan ninyo ang matood nga Tingog! Kanang Tingog mao ang budyong sa Maayong Balita nagahuyop sa Maayong Balita, sa matag Pulong sa Dios. Dili kredo, dili denominasyon; kundili ang Biblia, ang Espiritu Santo. "Kining maong timailhan maganunot kanila nga motoo." Kita ninyo? Ug didto nagapangadto sila katong dalana.

⁷⁷ Ang usa ka gulang laking gansa sa usa ka higayon, sila nagkanayon, siya ang nahimo nga ang panon nangamatay, mingsulay sa paglupad kanila lahos sa kangitngit, wala nasayod diin siya padulong, siya mismo, ug silang tanan nabunggo sugat sa mga bukid didto, ug ang uban kanila nangawataswatas, nangbuto. Tinuod! Kinahanglan nila masayran ang ilang matuod nga tingog. Kanang gamayong gulang nga pato, kon naa sa iya ang matood nga tingog ug ang mga matag usa nahibalo niini, aduna silay diyutay'ng kasadyaang panagtigum ug nagpalayo sila paingon sa Habagatan. Alang sa unsa ba ang pag-adto nila didto? Diin kini dili mabugnaw.

⁷⁸ Karon, kon ang Dios naghatag sa usa ka pato ug igong sensya sa pagpakisayod unsaon paglikay sa katugnaw, unsa pa kaha ang paghatag Niya sa iglesia? Kon ang pato makahimo niana pinaagi sa sugyot sa kinaiya, unsa pa kaha ang Espiritu Santo diha sa Iglesia? Kini kinahanglan manguna kanato gikan sa kanhing mga kalagdaan ug mga kredo ug mga butang, ngadto sa mahimayaon, kahibulongang bawtismo sa Espiritu Santo. Kini nagadala sa ligdong nga batasan, kahibalo, mapailubon, pagkadiosnon, ug ang Espiritu Santo. Mao kana ang matood nga magtotultul manguna, 'kay Siya walay laing ihayag kundili ang Maayong Balita, ang Pulong sa Dios lamang. Tinuod, kamo nagkinahanglan sa Magtotultul!

⁷⁹ Sa dihang, ang maalamon nga mga tawo, sila walay kasayuran bahin sa Dios. Sila maoy-sila maoy mga magsalamangka, mga salamangkero. Sila kadto tua sa mga sidlakan. Kamo nahibalo, ang Biblia miingon, "Nakita namo ang Iyang Bitoon diha sa Sidlakan, mianhi aron sa pagsimba Kaniya." Sila gikan sa kasadpan, sila mitan'aw sa sidlakan ug nakita ang Iyang Bitoon...o mitan'aw sa kasadpanan, sila tua sa Sidlakan. Kita ania sa Sidlakan, ug nakita ang Iyang Bitoon diha sa kasadpan. Kita ninyo? "Nakita namo ang Iyang Bitoon diha sa Sidlakan." Ug, tan-awa, didto sila sa Sidlakan. "Samtang kami tua sa Sidlakan nakita namo ang Bitoon, ug mianhi kami sa pagsimba Kaniya."

⁸⁰ Akong nahunahunaan sa pagtan-aw niadtong mga magkauban nangandam sa paglakaw. Akong nahunahunaan usa sa ilang mga asawa miingon kaniya, matud pa, "Ingon, matag butang tanan naandam na, apan asa ba imong kompas?"

Siya miingon, "Ako-ako dili mogamit sa usa ka kompas niining higayona."

⁸¹ Nag-ingon, “Unsaon ba nimo paglatas sa mga bukid?” Hinumdomi, sila kinahanglan motabok pa sa Suba sa Tigris ug molugsong lahos sa mga kapatagan, ug, oy, may duha sila ka mga tuig nga biyahe pagsakay sa mga kamelyo. Unsaon ba nila paghimo niini? Nag-ingon, “Bueno, dili man ngani ka magdala sa Kompas.”

Niingon, “Dili.”

“Unsaon ba nimo pag-adto?”

⁸² “Ako moadto sa giandam nga paagi sa Dios. Kanang Bitoon sa ibabaw maoy manguna kanako paingon nianang Hari.” Mao kana.

⁸³ “Among nakita ang Iyang Bitoon sa Sidlakan, ug gisunod Kini paingon hangtod diri sa kasadpan, aron pagsimba Kaniya. Asa Siya? Gisunod nila ang gitagana sa Dios nga paagi. Sila nahiktan kauban sa pundok sa mga kredo didto kadali. Sila nangadto sa Jerusalem ug misugod sa pagsaka ug lugsong sa kadalanan, kining mga tawo nga nagbisti ug pinakaanindot, naga-ingon, “Hain ba Siya? Hain ba Siya ang gianak nga Hari sa mga Judio?” Bueno, mao kadto ang ulohan, nga mao ang Jerusalem. Sa tinuod ang dakung iglesia angay’ng mahibalo sa usa ka butang bahin Niini. “Hain ba Siya? Hain ba Siya ang gianak nga Hari sa mga Judio? Nakita namo ang Iyang Bitoon sa Sidlakan, kami mianhi sa pagsimba Kaniya. Hain ba Siya?”

⁸⁴ Ngano, sila nangadto ni pastor *Talpulano* ug ngadto sa labaw’ng pari nga si *Talpulano*, walay usa kanila nasayod bahin niini. “Ngano, adunay Usa gianak Hari sa mga Judio, hain ba Siya?” Wala sila nasayod.

⁸⁵ Apan adunay usa ka pundok sa mga magbalantay sa mga karnero didto sa kiliran sa bukid gikauban sila sa usa ka panahon, oo, sir, tungod kay sila nagsubay sa dalan nga gitagana sa Dios.

⁸⁶ Busa nagpabilin sila didto, ug sa diretso siya miingon, “Ako sultihan kamo unsay atong angay buhaton, atong kinahanglan ang usa ka tigum sa konseho.” Busa sila nagtawag sa Katiguman sa Sanhedrin, ug-ug naghunahuna kon nadunggan ba nila ang bisan unsang butang bahin Niini. “Wala, wala kami masayod sa bahin Niini.”

⁸⁷ Kana mao sa gihapon nga butang kini niining panahuna. Wala silay kasayoran bahin niining Magtotultul, kining Espiritu Santo nga nagapang-ayo, nagapangtuhop, nagapangluwas, moabot pag-usab. Ang Magtotultul nga nagsulti kanato sa tanan niining mga butang nga nahitabo, ania kita tunong sa taliwala kanila. Usa ka Tigtugkad sa mga hunahuna sa kasingkasing; wala silay kasayuran bisan usa bahin Niana, ilang gitawag Kini nga telepatiya’g pangutok o uban pang butang. Wala sila masayod unsay pagsulti bahin Niini.

⁸⁸ Busa, kita n'yo, kadtong maalamon nga mga tawo, samtang... Hinumdomi, sa dihang misulod sila ngadto sa Jerusalem, ang Bitoon nawala. Ug samtang ikaw magtutuk sa mga kredo ug tawong denominasyonon nga motultol kaninyo sa Dios, ang tabang sa Dios mobiya kaninyo. Apan sa dihang sila nagsakit ug gikapoy na niini, ug mibiya kanila, mibiya sa mga kredo ug mga denominasyon adtong mga Judio, ug migawas sa Jerusalem, human niana ang Bitoon mipadayag pag-usab ug sila nagkalipay sa hilabihang dakong kalipay. Ilang nakita ang Magtotultul pag-usab! Oh, daw unsa kini, misulod sa karaang mabugnaw nga lagda sa iglesia, human niana mibalik ngadto sa usa nga nagakalayo, tan-awa ang Magtotultul nagapanguna, unsa ka dakung kalahi-an kini! Oo. "Among nakita ang Iyang Bitoon sa Sidlakan ug mianhi kami sa pagsimba Kaniya."

⁸⁹ Si Josue miingon kanila, "karon kamo sunod sa Arka, 'kay kamo wala pa gayod niining dalana kaniadto." Ang Dios dili motugot nga ang Arka moadto sa bisan asa kundi sa husto lang. Ang matag usa nagsunod Niini, ug Kini nagpaingon tunong tabok sa Jordan.

⁹⁰ Mao gihapon karon, pinaagi sa Espiritu Santo. O, sir. Ang usa lamang ka butang nga atong masayran, bisan kon kini mao ang Espiritu Santo ba o dili, makita nato ang pagpa-... Mga pagpadayag Niini, ang mga pagpadayag gipamatud-an sa Pulong sa Dios.

⁹¹ Karon, dili pa dugay, usa ka pundok sa mga igsoon adunay dugo ug lana, ug kana puede man kon ilang gustong pagahimuon kanang paagiha. Ako... Kanay dili usa ka pamatood kanako. Kini ang pagpamatood sa Kasulatan, kita n'yo, samtang kini nagapamatuod sa unsay giingon sa Dios, kana maoy husto. Sila miingon, "Kini'y ang hinungdan nga nakadawat kamo sa Espiritu Santo, kay may lana ang inyong kamot." Karon, Ako-Ako dili mouyon niana. Kita n'yo? Dili, dili ako motoo nga ang lana may kalambigitan niini. Ug kon kanang dugoa maoy makaayo ug ang pagluwas, naunsa na lang ang Dugo niJesus Cristo? Kon kanang lanaha naga pang-ayo, unsa na lang ang iyang mga labud? Kita n'yo? Kita n'yo?

⁹² Ako gusto nga ang Magtotultul moanhi, nga nagadala kaninyo ngadto sa Kamatooran sa Pulong, Human niana inyong mahibaloan nga kamo natumong ug kamo andam na sa paghulat. Kana'y tinuod, nagapang-andam sa pagkayab. Oo, sir. Oo, kay ngano? Ang Magtotultul maoy Usa Kinsa mihimo niini sa matood.

⁹³ Aduna akoy kasulatan diri, ako na nasulti kining mga Kasulatan, apan gusto ko basahon kining usa. Kini'y sa ikaduhang Pedro, ang unang kapitulo, sa 21 nga bersekulo.

*Tungod kay...Wala, may profesiya nga miabot
Pinaagi sa kabubut-on sa tawo: hinono-a minanduan sa*

Espiritu Santo nanagpanulti ang mga balaang tawo sa Dios.

⁹⁴ Giunsa ba sa pag-abot sa propesiya? Dili pinaagi sa kabubut-on sa tawo, denominasyonal nga mga kredo; Kundi pinaagi sa kabubut-on sa Dios, sa diha nga ang mga balaang tawo gipalihok sa Espiritu Santo. Siya sa gihapon sukad ang Magtotultul sa Dios. Kadto mao ang Espiritu Santo nga atua didto sa Haligi nga Kalayo, Kadto mao ang Espiritu Santo, ang si bisan kinsang tawo nahibalo na kato mao si Cristo. Si Moises gitalikdan ang Egipto, gimahal niya ang pagpakaulaw tungod ni Cristo nga mas dako kaysa mga bahandi ngadto sa Egipto. Si Cristo mao ang Usa. Bueno, sa diha sila nagapanindog didto ug nagaingon, “Bueno, ikaw gaingon nga Ikaw. . . Ngano, wala pa gani ka magsubra sa singkuwenta ka mga tuig ang kagulangan, ug miingon Ka nga nakita Mo si Abraham?”

⁹⁵ Siya nag-ingon, “Sa wala pa si Abraham, MAO NA AKO.” MAO NA AKO kadtong Usa nga nagtagbo kay Moises sa Haligi nga Kalayo sa nagsilaob nga sapinit. Oo, sir. Siya Kadtong Dios nga nahimong Unod. Dili usa sa ikatulong persona; mao ra nga Persona diha sa nagkalain-laing opisina. Dili tulo ka mga dios; tulo ka mga opisina sa usa ka Dios. Sa walay sayop.

⁹⁶ Sige, karon, ang Kasulatan. Sa kanunay, sa diha ang Dios nagatagana, Iyang ginatagana ang pinakamaayo. Sa dihang ang Dios nagtagana sa paagi sa pag lig-on sa Iyang iglesia, Iyang gihatag ang pinakamaayo. Sa dihang mihatag Siya ni Adan ug Eva, sa tanaman sa Eden, unsay Iyang gihatag kanila mao ang Iyang Pulong. “Kamo pabilin luyo niining Pulong, ug luwas kamo. Apan kon kamo mahigawas gikan Niini, sa adlaw nga kamo mokaon niana kanang adlaw kamo mamatay.” Ang Dios wala pa gyod miusab sa Iyang paagi. Ug si Satanas wala pod mi-usab sa iya; kon giunsa niya nga pagsulod kay Adan ug kay Eva, iyang nahimong nasudlan sila karon. Ngano? Pinaagi sa pagpangatarungan Niini. “Karon, kini makatarunganon nga ang Dios dili pagahimuon. O, ang Dios may giingon,” ingon ni Satanas, “apan sa tinuod ang usa ka balaang Dios dili mobuhat niini.” Tinuod nga himoon Niya, tungod kay giingon Niya nga pagahimoon Niya!

⁹⁷ Ug mao kanay panulti sa mga tawo karon, “O, karon hulat sa! Dili kamo motoo karon, kon ako moadto sa simbahan ug ako magahatag sa akong mga ikanapulo, ug ako buhaton *kini*, ang *uban pa*, ihulog ba diay ko sa Dios didto?” Gawas kon ang usa ka tawo matawo pag-usab, dili ngani siya makasabot sa Ginghamarian sa Dios! Kita n’yo? Walay mga pagpamalibad! “Bueno, ang makaluluoy nga tigulang tawo, ang makaluluoy nga tigulang babaye, adunay usa ka maayong tigulang kalag.” Ang bugtong paagi nga sila makakita sa Dios, mao ang pagpakatawo pag-usab. Kana lang. Dili ko magsapayan kon unsa ka gamay, unsa ka gulang, unsa ka batan-on, unsay ilang nabuhat,

makapila miadto sa simbahan, pila ka mga denominasyon ilang nahibaloan, unsa ka daghan ang kredo nga ilang masaulo. Kinahanglan kamo magpakatawo pag-usab o kamo wala gyod sa patukuranan, sa sinugdanan. Mao kanay tinuod gyod.

⁹⁸ Busa, tan-awa, kamo nagkinahanglan sa Magtotultul. Siya magatultol kaninyo sa Kamatooran, ug ang Kamatooran mao ang Pulong. Siya magatultol kaninyo. Ug kini sa gihapon ingon niana kaniadto pa. Ang Dios wala gayod mousab sa bisan unsa, 'kay Siya walay kinutuban ug Siya nahibalo unsay pinakamaayo. Siya anaa sa tanang dapit, Siya nakahibalo sa tanang butang, Siya-Siya ang tanantan. Kini'y husto, ang Dios niana, busa Siya nagkinahanglan mausab. Maayo.

⁹⁹ Siya mao ang tigpanghimatood sa dalan nga Iyang ginapanguna kaninyo. Ang Espiritu Santo, ang Magtotultul, maoy tigpanghimatood sa mao rang Pulong nga Iyang gitudlo. Karon, si Lucas gipangunahan sa Magtotultul, sa pagsulti, "Panglakaw kamo sa tibuok kalibutan, iwali ang Maayong Balita ngadto sa tibuok kabuhatan. Ang motoo ug magpabawtismo maluwas, apan ang dili motoo pagahukman sa silot. Ug kanila nga motoo maganunot kining maong mga ilhanan; sa Akong Ngalan ilang pagulaon ang mga yawa, magasulti sila'g bag-ong mga sinultihan, makakupot silag mga bitin, ug kon makainum sila'g bisan unsa nga dilikado, pagapandangan nila ang mga masakiton ug mangaayo sila." Ug ang Biblia miingon niana, "ug sila nanglakaw sa matag lugar," nga gipangunahan sa Magtotultul, nasayod mo, "giwali ang Pulong, uban sa mga timailhan nga nagsunod." Unsa ba kato? Ang Magtotultul nagpamatuod nga kadto Kamatuoran!

¹⁰⁰ Mao kato'y patakaran sa Dios. Mao katong paagiha nga gipahaluna. Mao kanay Iyang programa; Siya dili makausab gikan niini, tungod kay Siya walay kinutuban. Amen. Siya dili makausab gikan niini; kay Siya ang Dios. Ako makausab; kay ako tawo. Kamo makausab; kamo tawong lalake o babaye. Apan ang Dios dili gyod mausab. Ako may kinutuban; ako makahimo mga sayop ug magapamulong sa mga butang nga sayop, tanan kanato makahimo niini. Apan ang Dios dili, ug padayon sa pagka-Dios. Ang Una Niyang desisyon hingpit. Ang paagi sa Dios sa paglihok sa hugna, kana ang maoy pamaagi nga Iyang pagahimoon sa matag panahon. Kon Siya gitawag niadtong hugna-a pagluwas sa makasasala, Siya nagluwas kaniya ibabaw sa basihan sa usa ka butang. Sa sunod nga higayon ang usa ka makasasala moduol, Iyang pagabuhaton ang mao rang paagiha, o Siya nakahimo'g sayop sa dihang gibuhat Niya sa unang higayon. Amen. Ako gihigugma Siya. Ako nasayod nga kini maoy Kamatooran.

¹⁰¹ Ako singkuwenta'y tres anyos na, nagawali sa Maayong Balita diri sukad sa trenta'y tres ug tunga ka mga tuig, wa ko pay nakita niini nga napakyas. Ako nakita Kini nga nasulayan

sa makapitong higayon sa pagtuyok ko sa kalibutan, sa tanang matang sa mga relihiyon ug sa uban pa, sa atubangan sama ka daghan sa tunga sa milyon sa usa ka higayon, ug wala pa gyod Kini mipakyas. Ako dili gahisgot gikan sa ubang libro, ako gahisgot gikan sa akong kaugalingong kasinatian, nga ako nasayod nga ang Dios nagapaluyo sa Iyang Pulong ug mipasidungog Niini. Karon, kon kamo adunay pipila ka matang sa kredo, kamo magbantay gayod niana. Apan ang Espiritu Santo mopaluyo sa Pulong sa Dios.

¹⁰² Diha sa San Juan, sa unang kapitulo ug unang bersekulo, siya miingon, “Siya mao ang Pulong. Siya mao ang Magtotultul. Sa kinasugdanan mao ang Pulong, ang Pulong uban sa Dios, ug ang Pulong Dios. Ug ang Pulong nahimong Tawo ug mipuyo tipon kanato.” Sus!

¹⁰³ Si Pedro gigiyahan pag panulti, diha sa Mga Buhat 2:38, kon unsaon pagdawat sa Espiritu Santo, siya miingon, “Paghinulsol, ang matag-usa kaninyo, ug magpabawtismo sa Ngalan ni Jesus Cristo alang sa kapasayloan sa inyong mga sala, ug unya ang Magtotultul magadala kaninyo human niana.” Oo, mao kanay butang pagahimoon. Una, maghinulsol sa inyong mga sala, inyong pagkadili matinuohon, nga kamo dili nagtoo niing mga butanga. Maghinulsol, ug unya magpabawtismo, ug unya ang Magtotultul maoy magadala kaninyo human niana. Kita n’yo, mao kanay inyong katungdanan. Inyong katungdanan ang paghinulsol. Kini inyong katungdanan ang pagpabawtismo. Ug unya mao kini ang katungdanan sa Magtotultul nga magdala kaninyo human niana, magdala kaninyo nga gikan sa ligdong batasan ipuno ang kahibalo, ipuno ang pagpugong sa kaugalingon, ipuno ang pagka-mainantuson, ipuno ang pagkadiosnon, ug ipuno ang pagbati nga inigsoon, ug ang Espiritu Santo magapangtimri kaninyo. Kita n’yo? Human ana kamo maoy hingpit nga gitas-on sa Dios, usa ka matuod nga lalake sa Dios, usa ka matuod nga babaye sa Dios, nga na-angkla diha ni Cristo. Akong gusto kana, kanang naangkla diha ni Cristo.

¹⁰⁴ Sa pagkatinuod, si Marcos napangunahan sa Espiritu Santo, sa pagsulat sa Marcos 16, sa tinuod.

¹⁰⁵ Si Juan gipangunahan sa diha iyang gisulat ang mga Pinadayag. Siya gigiyahan sa Magtotultul. Siya usab gigiyahan sa Magtotultul pag-ingon, “Si bisan kinsa ang magataktak sa usa ka Pulong gikan Niini, o magadugang sa usa ka pulong Niini, sa mao ra nga pagataktakon, ang iyang bahin, gikan sa Libro sa Kinabuhi.”

¹⁰⁶ Karon, unsaon ba ninyo sa pagpuli ang usa ka butang ilis sa Pulong sa Dios, ug sa gihapon moingon kamo nga gipangunahan sa Espiritu Santo? Walay panabot, dili ba? Wala gyod, ginoo. Kini dili gayod.

¹⁰⁷ Siya sa gihapon ang Magtotultul ko sa tibuok kinabuhi. Siya nagtultol kanako ngadto sa Kinabuhi. Siya lang ang Usa nga nagtultol kanako ngadto sa Kinabuhi, ug Siya ang akong Kinabuhi. Kon wala Siya wala akoy Kinabuhi. Kon wala Siya wala akoy gustohon bisan unsa pa. Siya ang tanan sa akong Tanan-sa-Tanan. Sa mga panahon sa akong kalisdanan, Siya nagatindog tupad kanako. Kagahapon Siya nag panalangin kanako, ug ning adlaw nahimo sila nga mao ra. Unsa pa bay akong damhon? Mao ra hangtud sa hangtud, dalaygon ang iyang Ngalan! Amen. O, sir. Iyang gisaad kini. Iyang pagahimoon kini. Siya ang akong Kinabuhi, Siya ang akong Magtotultul, Tanan-sa-Tanan. Ako nisalig Kaniya. Ako adunay pipila ka mga malisod nga pagsulay. Ako misalig Kaniya bisan asa ako moadto. Ako gusto kamo nga himuon kini. Kon kamo manglaba, kamong mga babaye, saligi Siya. Kon kamo moadto sa lungsod, saligi Siya.

¹⁰⁸ Ako may usa ka higayon diin ako naghunahuna nga ako daw usa ka maayong maglalasang, nahibalo na mo, nangayam na sa kadaghang higayon. Ako naghunahuna, “Dili gyod ko malingla, walay laing maka . . . Dili kamo makawala kanako. Akong mama Indiyang ang katunga, ug ako nahigugma niana. O, sus! Dili kamo makalingla kanako sa mga lasang, ako nasayod kong asa ako.”

¹⁰⁹ Ug sa akong hanimon, gilimod ko’g dyutay sa akong asawa, ako gisultihan siya, “Abe nimo, mahal, mahimong maayong butang alang kanato ang pagminyong karong ika bayente-tres sa Oktobre.” Siyempre, kana maoy giingon sa Ginoo kanako nga pagahimoon.

¹¹⁰ Ug ako gihunahuna, “Karon, alang sa dyutay’ng hanimon, ako nag-tigum sa akong kuwarta, ug dad-on ko siya sa Niagara Falls, ug molahos paingon sa Adirondack ug mohimog dyutay nga pagpangayam.” Kita n’yo? Busa gidala ko siya ug si Billy, gamay pa kaayo siya. Ug busa gidala ko siya niadto paghanimon, ug kadto maoy usa ka biyahing pagpangayam, usab, nasayod kamo. Busa-busa ako naghunahuna nga kini maoy maayong butang nga pagabuhaton. Ug busa gidala ko siya, ug ang . . .

¹¹¹ Gisulatan ko si Mister Denton, ang bantay sa lasang. Ug kami misubida sa Hurricane Mountain. Ug ako miingon, “Mister Denton, moanhaay ako, gusto ko nga mangayam sa pipila ka oso uban kanimong niining tingtagak.”

¹¹² Ug siya miingon, “Sige, Billy, tungas ngari.” Busa siya miingon, “Ako moadto didto ining usa ka ingani-inganang petsa.” Bueno, ang akong asawa ug ako miabot didto sa sayong adlaw, ug si Billy, ug busa ang kamarote nakandaduhan. Adunay usa ka dyutay’ng balongbalong didto sa mga kakahuyan.

¹¹³ Diin, si Igsoon Fred Sothman ug ako nag-adto dili pa lang dugay ug nagtindog didto. Ang Espiritu Santo, Akong nakita Siya mibarog didto, katong dalag nga Kahayag nagalihok

palibot sa sapinit, ug si Fred nagabarog didto mismo. Siya miingon, “Duol ka diri, Ako gusto mosulti sa imo. Ugma,” miingon, “pagmatngon, sila nag-andam sa usa ka lit-ag alang kanimo.” Said, “Pag-igmat!” Di ba kana husto, Igsoong Fred? Ug ako naglakaw ug gisuginlan ang gatusan ka mga tawo kadtong gabhiona, didto sa Vermont, ako miingon “Adunay usa ka lit-ag giandam alang kanako; Ako tan-awon kana. Ako wala masayod kon asa kana.” Ug ang sunod mismo nga gabii, didto kato miabot, nga mao kato. Miingon, “Ania na ang lit-ag nga giandam.” Oo, ginoo. Apan ang Espiritu Santo nanguna kanako kon unsay pagahimoon. Ug, o, sus, kadto maoy tukma gyod! O, daghan sa inyo nahibalo kon unsa kadto. Ako wala nay panahon sa pagsugid niini.

¹¹⁴ Apan sa pagtindog didto niadtong dapita ngadtong panahona, nagsugod na pagkabugnaw ngadtong adlaw. Si Mister Denton moabot sa sunod nga adlaw, ako miingon, “Abi nimo, mahal, maayo gyod kon ako makakuha sa usa-usa ka dakung turo nga usa nga madala sa balay.” Ako miingon, “Atong nahimong. . . Ako gikinahanglan mag-ipon niining mga kwarta, ug kita bag-uhay pa lang naminyo.” Ug ako miingon, “Atong makuha ang atong pagkaon para ting-tugnaw kon ako makahimong gamay nga pagpangayam karon.”

¹¹⁵ Ug siya miingon, “Sige, ipadayon kana, Billy.” Miingon, “Karon, inyong hinumdoman, ako wala pa gyod nakaanha niinang lasanga.” Siya nag-ingon. Siya atua sa kapin biyentsingko ka milya ibabaw sa kabukiran, abe n’yo, ug siya miingon, “Ako wala gyod kasayuran bahin niini.” Ug siya miingon, “Busa akoy. . .”

¹¹⁶ Ako miingon, “Bueno, karon, imo nahinumdoman, kadto duha na katuig ang milabay ako napatay kadtong tulo ka Oso. Kadto tunong luyo sa ibabaw sa bungtod didtong dapita.” Ug ako miingon, “Karon, ako mokuha sa usa ka turo nga usa ug kita makakuha pipila ka Oso,” ug ako miingon, “kita may makaon na diha sa ting-tugnaw.” Bueno, kana maayo gyod paminawon, di ba. (Ug kami nanguha sa mga blackberries, ug mikuha’g uling para niana-para nianang ting-tugnaw; ug busa pagkahuman si Billy mibaligya kanila, ug si Meda ug ako nanguha kanila pagkahapon human ako miipsot sa akong patrolya.) busa human ana ako-ako miingon, “Bueno, ako kuhaon ang akong pusil, ako molugsong nganhi.” Ako miingon, “Adunay daghang usa dinhing dapita, ako makakaplag isa.” Ug ako miingon, “Nahibalo ka,” ako miingon, “unya ako kuhaon siya.” Ug ako miingon, “kita mahimo. . . ako mobalik sa makadiyot lamang.”

Siya miingon, “Sige.”

¹¹⁷ Busa, sa dihang misugod ako pagbiya, kadto daw magabon na. Ug bisan kinsa kaninyo mga tawo sa New Hampshire, ug sa

ibabaw didto sa New England, nasayod unsay pasabot niini sa diha nga ang gabon mopaubos, o sa bisan diin pa sa kabukiran, kamo dili masayod kon asa namo. Kana lang. Dili nimo makit-an ang imong kamot mismo sa imong atubangan. Busa ako misugod lugsong subay sa-sa dyutay'ng paspas na lakang, ingon, nga palugsong, ug miadto tabok sa tagaytay ug mitungas. Ug akong namatikdan ang usa ka leopardong itom, inyong ginatawag kini diri niining dapita sa nasod. Among gitawag kini, sa Kasadpan, usa ka cougar. Ilang gitawag kini, ngadto didto, usa ka leon sa bukid. Kining tanan mao rang mananapa. Kini maoy usa ka puma, sa matuod mao kini. Pareho sa iring, mokabat sa siyam-ka tiil ang kataas, gatimbang mokabat sa usa ka gatos ug sengkwenta, duha ka gatos ka mga libra. Siya mitabok sa dalan, ug ako gihuslo ang pusil sa madali dayon, dili igo ang kapasas aron sa pagpusil kaniya.

¹¹⁸ Bueno, misuut ako gikan ibabaw sa bungtod, sa paggukod sa maong cougar, ginabantayan ang mga dahon diin n'ya nauyog, nahibalo na mo. Ako madungog siya. Siya adunay upat ka tiil. Ako nasayod siya dili duhay tiil nga mananap, iyang upat ka tiil. Ug ako nasayod siya dili usa ka usa, 'kay ang usa nagpangtamak tamak. Ug siya sayon ra kaayo pag-ipsot, ang iring, nahibalo na mo, ninyo, ingon niana. Ug ang oso ipa ikid-ikid niya ang tiil sa dihang molakaw siya. Ug busa ako nasayod kini gayod usa ka cougar. Ug siya anaa sa luyo sa usa ka troso ug dili ko nakita siya, hangtod nasiplatan siya, siya nahanaw.

¹¹⁹ Ug ako nagbantay kon asa siya naglihoklihok sa mga dahon, nahibalo mo, sa taas tumoy sa bukid, ug paubos ingon niini, ug ako wala makabantay niadtong panganod nga padayon gapaubos matag oras sa tanang panahon, nahibalo na mo, gapaubos ang gabon. Ako milugsong, paubos lahos sa dakung kapatagan ug nakagawas paingon sa Giants, sa pagsunod niining cougar. Ako gihunahuna, "akong dakpon siya human sa pipila ka gutlo." Akong makita ang usa ka lugar, ug ako midagan pataas sa usa ka dapit, ug mitan-aw tanan sa palibot ingon ana, ug misilip sa palibot, lantawon kon akong makita siya; maminaw ug maayo ug mikanaug, misuut paubos pag-usab. Imo madunggan ang kasagbutan nga nangahaplag, sa dalan unahan kanako, sa paggawas. Kita n'yo, siya nag-agiagi sa mga kahoy aron ako dili makagukod kaniya. Kita ninyo, siya utukan, mikatkat sa mga kakahoyan ug milukso gikan sa kahoy ngadto sa laing kahoy. Unya siya nasayod ako dili na makagukod kaniya didto. O, ako nagdahum, "O, bisan unsaon!"

¹²⁰ Ug ako misugod pagbalik tungas sa dal-og, ug ako napanimaho ang usa ka oso, usa ka gulang nga laking oso. Ako gihunahuna, "ako kuhaon siya karon, sus, kana maoy maayo!" Akong gipanimaho pag-usab, ug ako miabanti'g diyutay, ug akong gibantayan gyod ang tanang klase sa timailhan ug matag butang. Ako walay makita nga butang; ako mibalik palugsong,

ug mibalik paglugsong sa pikas daplin sa bukid. Ug human ako misugod sa pagkamatikud, nga medyo gabonon na. Ug ako gipanimaho pag-usab, siya anaa sa hangin sa kon asa. Ako miingon, “Dili. Karon, unsay nahitabo, ang hangin naggikan sa *dapit* dinhi, ug ako naggikan. . . Ang baho sa oso gikan niini paubos *nianang* dalana, ug ako nakalabang na palikos karon ug ang hangin nagagikan sa laing direksiyon. Busa ako kinahanglan mobalik diin akong nasimhot ang oso sa unang higayon, ug mosugod gikan didto.”

¹²¹ Ug diha sa akong dalan pabalik, Ako mitan-aw tabok sa dal-og, Akong nakita ang mga kasagbutan milihok. Ug sa diha nahimo ko, usa ka butang itum naglihok. Ako gihunahuna, “Tua siya.” Ako gibutangan ug bala ang pusil, sa kalit kaayo, ug mibarog nga way lihok. Ug, sa diha nadayag, kadto mao usa ka dakong turo nga usa, usa ka labing dako. Ako gihunahuna, “Kana man gyod akong gipangita, bisag unsaon.” Gitiro ang laking usa.

¹²² Ako gihunahuna, “Bueno!” Ako wala gyod nakamatikod niini nga daw. . . Sa panahon na ako na siya ghipos, mitan-aw. . . Akong gilimpyohan ang akong mga kamot ug ghipos ang kutsilyo, gibalik kini. Ug ako naghunahuna, “Dalaygon ang Dios!” Salamat Kanimo, Ginoong Jesus, Ikaw nagahatag kanako sa akong pagkaon sa ting-tugnaw. Dalaygon ang Dios!” Ug Ako gikuha ang akong pusil. Ako gihunahuna, “Ako magdali pagbalik sa dal-og dinhi karon.” Ako miingon, “Tan-awa diri, sus, ang bagyo moabot. Maayo pa ako mogawas dinhi ug mobalik ngadto ni Meda ug kanila.” Ako miingon, “Ako kinahanglan magdali.”

¹²³ Ibabaw sa dal-og ako misaka, gipuwat ko ang botones sa akong dakung pula nga amerikana, ug ako midalagan tungas sa dal-og sama niini, palibot. Ang unang butang nga inyong mahibaloan, ako gihunahuna, “Sus, asa ba ako nagliko?” Ang hangin nagpaubos na, ang mga kahoy nangalapi dungan. Ako gihunahuna, “Asa ba ko nagliko?” Ako naglibot. Ako-ako nasayod nga ako paingon tunong lahos ngadto sa Hurricane Mountain. Apan nahitabu nga ako nihunong, ug ako gipaningot, Ako gihunahuna, “Unsa bay nahitabo dinhi? Ako nakahawa na tunga sa oras, o tulo sa ika-upat nga bahin, ug dili nako makaplagan katong dapit nga akong gilikuan.” Ako nihangad, ug didto nakasab-it ang akong usa. Ako atua sa mao ra gihapon nga dapit. Ako gihunahuna, “Bueno, unsa man ang akong gibuhat?”

¹²⁴ Bueno, ako milakaw na usab. Ako gihunahuna, “Akong mahimo kini niining higayona, ako lang wala namatikdan.” Ako gibantayan ang matag gamay’ng lihok sa tanang lugar, nagabantay. Ako padayon sa pangita, pangita, pangita. Silang mga gabon nagapangabot, ako nasayod nga usa ka bagyong nyebe paabot na, ang gabon naa na sa ubos, ug unya ako

misugod sa pagkahimatikud. Ako gihunahuna, “Ako mipadayon diyutay’g sa unahan,” mipadayon, padayon, padayon, padayon, padayon, padayon, padayon. Ug ako gihunahuna, “Bueno, kini talagsaon, susama sa akong nakita kining dapita kanhi.” Ug ako nagtan-aw, ug didto nakasab-it ang akong usa. Kita ninyo?

¹²⁵ Kamo ba nasayod unsa nahitabo kanako? Ang mga Indiyan gitawag kini ang “lakang sa kamatayon.” Kita n’yo, Ikaw nagalakaw sa usa ka lingin, libot ug libot. Bueno, ako nagdahum ako hanas gyod nga magtotultul aron sa dayon mawala. Kita n’yo, wala na kinahanglan pay mosulti kanako diha sa mga kakahuyan, akong nasayran ang akong dalan palibot. Kita n’yo?

¹²⁶ Ug ako nagpadayon pag usab. Ako nag-ingon, “Ako dili mahimong makabuhat niining sayop.” Ug Ako mibalik pag-usab.

¹²⁷ Ako mitungas sa dal-og sa dyutay’ng bahin, unya kini human na sa pagsugod sa paghuyop. O, sus, nyebe na sa tanang dapit! Halos paingon sa pagkangitngit. Ug ako nasayod nga si Meda mamatay ngadtong gabhiona didto sa kamingawan, siya dili nakahibalo unsaon pag-alima sa Iyang kaugalingon. Ug si Billy mo-upat pa lang ka tuig, tulo ka tuig ang kagulangon, gamay pa lang kaayo. Ug ako gihunahuna, “Unsa kahay ilang pagahimuon?” Bueno, nakaabot na niining kahalayo ug akong naigo ang dahang hapnig sa mga lumot, ako gihunahuna, “Ako anaa sa sa patag sa usa ka dapit, ug ako walay makita bisan unsa, tanan gabonon.” Ako naglibotlibot na karon.

¹²⁸ Kasagaran, ako makapangita para kanako usa ka dapit ug mopundo, kon ako may kauban. Ako mopundo ug magpaabot hangtod ang bagyo mahuman, usa ka adlaw o duha, ug mogawas. Hiwaon ang akong bahin sa usa . . . sa akong luyo, ug mosulod, mokaon, ug kalimtan ang bahin niini. Apan dili ka makahimo niana, ug ang imong asawa ug anak atua napahimutang sa mga kakahoyan, nangamatay. Kita n’yo?

¹²⁹ Busa ako nagsugod sa paghunahuna, “Unsa ba akong buhaton?” Busa ako milakaw dyutay sa unahan. Ug ako gihunahuna, “Karon, hulat. Sa diha ako mitabok sa unang patag, ang hangin miigo sa akong nawong, busa walay sipyat naggikan ako niining dalana. Ako kinahanglan moagi diring dalana.” Ug ako naglibotlibot sa dalan ubos sa Giants, apan ako wala masayod asa ako didto. Ako miingon, “O!” Nagsugod ako sa pagkahadlok. Ug ako gihunahuna, “Hulat sa gamay, Bill, ikaw wala mawala,” ginasulayan paglingla ang akong kaugalingon. Dili mo makalingla niini. Dili, dili. Kanang kinasulurang konsyensia ming-ingon ikaw ikaw sayop.

¹³⁰ O, imong-imong gitinguha sa pag-ingon, “O, Ako luwas, Ako gaadto sa simbahan.” Ayaw kamo kabalaka, inyong paaboton hangtod nga ang higdaanan sa Kamatayon modangat, ug kamo masayod niining kalainan. Inyong konsyensya nagasulti

kaninyo. Usa ka butang sa sulod kaninyo nagasulti nga kamo kamo sayop. Kita n'yo? Kamo nahibalo kon kamo mamatay kamo dili gayod makatagbo sa Balaang Dios. Ingon sa atong nakita Siya kagabii, bisan ang Balaang mga Manulunda magatabon sa ilang nawong sa pagbarog sa atubangan Niya. Unsaon ba ninyo pagbarog gawas sa Dugo ni Jesus Cristo aron magtaptap kaninyo?

¹³¹ Ako naghunahuna, “O, Ako mamahimo kini.” Ako gisugdan dayon. Ug akong namatikdan ako sa kanunay nakadungog Usa ka Butang. Human ana ako mibati sa kahadlok. Ug ako naghunahuna, “Karon, kon ako himoon kana, ako mahiadto ngadto sa pagkabuang.” Kana maoy kasagaran unsay mabuhat sa usa ka tawo nga nawala, siya mahiadto sa pagkabuang diha sa mga kakahoyan. Anang tungora iyang kuhaon ang iyang pusil, ug pusilon iyang kaugalingon; o magpahulog sa usa ka gahong ug mabali ang iyang paa, ug didto siya magbuy’od, siya mamatay didto. Busa ako gihunahuna, “Unsa ang Akong angay pagabuhaton?” Busa ako gisugdan paglakaw padayon.

¹³² Ug Ako kanunay makadungog Usa ka Butang nagaingon, “Ako madali nga Katabang sa panahon sa kalisdanan.” Ako mihimo lamang sa paglakaw padayon.

¹³³ Ako gihunahuna, “Karon, ako nasayran ako nagakawala sa akong panghunahuna, ako nadungog usa ka tingog misulti kanako.” Ako mipadayon. Ako milakaw, “whew, whew, whew,” nagapanaghoy, nahibalo na mo. Ako gihunahuna, “Karon, ako wala nawala. Ikaw nahibalo asa ikaw diha, dong! Unsa bay nahitabo kanimo? Dili ka mahimong mawala. Ikaw-ikaw maayo gayod nga mangangayam, dili ka mahimong mawala.” Kaugalingong pagpangandak, nahibalo na mo, ginahimo ang kaugalingong paglimbong sa akong kaugalingon.

¹³⁴ Ikaw dili makalimbong niini. Sa sulod *dinhi* may gamay nga biyohan gatuyok, nagaingon, “Dong, ikaw nawala ug ikaw nasayod ikaw mao. Kita n'yo.”

¹³⁵ Ako nagpadayon sa paglakaw. “Oh, ako wala mawala! Ako mahimong maayo ra. Ako makaplagaan ang akong dalan pagawas.” Ang mga butang misugod morag kataw’anan, ang mga hangin mikusog. Ang ngyebe misugod sa pagpanglupad, ang gagmay bonbon nga nyebe, atong tawag niini “dahilig damogdamog.” Ako gihunahuna, “Ang asawa ko ug anak! Ako dili. . .” Ako gihunahuna, “O, sus!”

¹³⁶ Dihadiha akong nadunggan Kadto pag-usab, miingon, “Ako madali nga Katabang sa panahon sa kalisdanan.” Ug Ako usa ka ministro sa Maayong Balita niadto, nagapangwali dinhi sa maong tabernaculo.

¹³⁷ Busa ako gihunahuna, “Bueno, unsa bay Akong pagabuhaton?” Ako naghunong, ninanaw sa tanang dapit, ug didto ang gabon humana mipaubos. Ako. . . Kana mao na. Wala

na gyod mamahimo nianang tungora. Ako gihunahuna, “O, unsa bay akong pagabuhaton?” Ako gihunahuna, “Ginoo, Ako dili takus mabuhi, Ako adunay hilabihang pagsalig-sa akong kaugalingon. Ako gihunahuna ako usa ka mangangayam, apan Ako dili diay.”

¹³⁸ Ug, Igsoon, Ako sa kanunay misalig Kaniya. Sa pamusil, Ako adunay mga listahan didto. Ug pagkamananagat, ako kulang, apan ako sa kanunay misalig Kaniya. Sa pagpaniro, ako hinay, apan Siya nagtugot kanako himoon ang rekord pangkalibutan. Kita n’yo? Motiro sa usa, pito, walo ka gatos ka yarda. Adunay usa ka pusil didto nakapatay ako’g treynta’y singko ka ulo sa pangayam nga walay sipyat ni usa ka tiro niini. Basaha lang kana bisan asa, kon inyo mahimo. Kita ninyo? Dili ako, kini Siya. Ako misalig Kaniya.

Didto ako, Ako gihunahuna, “Unsa ba Akong pagabuhaton? Unsa ba Akong pagabuhaton?”

¹³⁹ Ako gipadayon...Kadto nagkaduol, nagkaduol, “Ako madali nga Katabang sa panahon sa kalisdanan. Usa ka madali nga Katabang.”

¹⁴⁰ Ako gihunahuna, “Dios ba kana ang gasulti kanako?” Ako gipalos ang akong kalo. Ako adunay akong patrolyang kalo, pula nga panyo nagaputos palibot niini. Akong gibutang kini sa ubos. Gihukas nako ang amerikana, kini naga-umog. Ug ako gibutang ang akong amerikana, gipahimutang ang akong pusil sandig sa kilid sa kahoy. Ako nagingon, “Langitnong Amahan, karon ako hapit na mawala sa akong kaugalingon, ako nakadungog usa ka tingog nagasulti nganhi kanako. Ikaw ba kana?” Ako nagingon, “Ginoo, ako na dawaton nganha Kanimong nga ako dili usa ka mangangayam. Ako dili, ako-ako dili makakaplag sa akong dalan sa palibot. Ikaw kinahanglan motabang kanako. Ako dili takus nga mabuhi, ug nagabuhat sa mga butang nga akong gihimo, mianhi dinhi ug nagahunahuna nga ako nasayod sa daghang bahin niini aron sa gihapon mawala lamang. Kinahanglan ko Ikaw, Ginoo. Ang akong asawa usa ka buotan nga babaye. Akong anak, akong gamay nga anak nga lalaki, iyang inahan patay na, ug siya naninguha mahimong inahan kaniya, ug ako bag-o lang naminyo kaniya. Ug ania siya, usa ka bata, didto sa kakahuyan, silang duha mamatay niining gabhiona. Kanang hangin, kini mopaubos mokabat sa napulo ubos sa siro, ug sila wala masayod unsaon sa pagpakabuhi. Sila mamatay niining gabhiona. Ayaw itugot sila mamatay, Dios. Dad-a ako ngadto kanila, aron nga akong masiguro nga sila dili mamatay. Ako nawala! Ako nawala, Dios! Ako-ako dili makakaplag sa akong dalan sa palibot. Mahimo Mo ba ako matabangan? Ug pasayloa, ako alang sa akong pangkaugalingong paagi! Ako dili makahimo sa bisan unsa kon wala Ikaw, Ikaw ang akong Magtotultul. Tabangi ako, Ginoo.”

¹⁴¹ Ako mitindog, ug ako nagingon, “Amen.” Gipunit ko ang panyo; akong amerikana, gipunit kini; gisuot balik akong kalo; gikuha ang akong pusil. Ako miingon, “Karon, Ako andamon ang akong kaugalingon sa pinakamaayo nga paagi nga akong nahibaloan unsaon sa pag-adto, ang pinakamaayo sa akong salabutan; ug ako molakaw diretso sa usa ka dalan, kay ako nagalakaw palibot sa usa ka lingin nga dapit, ako wala nasayod kon diin. Apan ako moagi sa dalan Imong isulti kanako, Ginoong Dios, akong Magtotultul.”

¹⁴² Ako gisugdan sa paglakaw *niining* dalana. Ako miingon, “Mao na kini, ug ako kinahanglan patoohon ang akong kaugalingon niini. Ako magasubay *niining* dalana. Ako subay diretso *niining* dalana. Ako dili motipas sa pagbalhin, Ako mosubay *niining* dalana. Ako nasayod ako husto. Ako mosubay *niining* dalana.” Kon ako naglakaw nianang dalana, ako nagpadulong na adto sa Canada. Kita n’yo?

¹⁴³ Human niadtong tungora ako nabati Usa ka butang mitandog kanako dapit sa akong abaga, usa ka kamot, kini nabati sama sa usa ka kamot sa tawo, kalit lang kaayo nga ako miliso sa pagtan-aw. Wala ni usa mibarog didto. Ako gihunahuna, “Unsa man kaha kato?” Ania ang Biblia nakapahimutang sa atubangan ko. Ang Dios, akong Magtotultul ug Maghuhukom, nagatindog dinhi. Ako mihangad lamang sa itaas. Ug tunong balik *niining* dalana, mihayag katong gabon pagbalik hangtod nga ako makita ang tore ibabaw sa Hurricane Mountain. Milakaw dayon tunong diretso pahilayo gikan niini, ang labing maayo kong abilidad sa pagpangayam, ako nilakaw pahilayo gikan niini, nagalahum na ang kagabhion kaniadto. Ako miliko sa pagdali, gipatunong ang akong kaugalingon sama *niini*. Akong gikuptan ang akong kalo ug giisa ang akong mga kamot, ako miingon, “Tultuli ako sa unahan, Dios, Ikaw ang akong Magtotultul.”

¹⁴⁴ Ako gisugdan. Ako kinahanglan diretso molakaw lahos sa mga harang ug uban pa sa pag-adto didto, pagabii na ug pagabii. Human ana nagkangitngit na. Ang mga usa nagpanglukso sa unahan kanako, ug uban pa. Ako dili na makahunahuna paglain gawas sa pagpadayon sa akong kaugalingon sa usa ka dalan, niining bukira mismo.

¹⁴⁵ Ug ako nasayod nga kon ako makaabot ngadto sa tore, si Mister Denton ug ako . . . ako nagtabang pagbutang sa linya niadtong tingpamulak. Among gikabit ang alambre sa telepono gikan sa Hurricane Mountain, paubos hangtod mokabat sa tulo ug tunga o upat ka milya, lahos paubos ngadto sa kampo. Ug kini mipaingon tunong paubos sa usa ka gamay’ng dalan-dalan, apan, sa niyebe didto, dili ka makasulti sa dalan-dalan. Kita n’yo? Ug ang hangin naghaguros ug uban pa, kadto mangitngit ug nagbunok sa niyebe ug, mipadayon, dili ka makasulti kon diin ikaw. Buweno, ang bugtong butang akong

nahibaloan pagahimuon, human niadtong nagkangitngit, ug ako wala nasayod. . . Ako nasayod ako nagasubay sa usa ka dalan, ug tunong saka sa bukid. Kay ako kinahanglan motungas sa bukid, ug ang tore napahiluna tunong sa ibabaw sa maong bukid, ug ako adunay kapin sa unom ka milya aron makaabot niini. Hunahunaa lamang, katong gabon nagatin-aw pagbalik, unom ka milya, usang buho na lamang, hangtod ako makita kini!

¹⁴⁶ Ug unya ako-akong gibitbit ang akong pusil sa *ining* kamot, ug gipugngan pataas *kini* nga kamot, kay akong gikab-it ang-ang alambre sa mga kahoy ingon niana paubos, ang mga alambre sa telepono paingon sa kamarote, aron iya maestorya iyang asawa, ug unya motawag gikan didto, gikan sa bukid. Ug ako motabang kaniya sa pagdala kini paubos niadtong ting-tagak. Ug ako adunay mga kamot gipataas ingon *niini*, nagaingon, “O Dios, itugot kanako mahikap nianang linya.” Milakaw, ug ang akong bukton mihaweoy kaayo, gikapoy, ako dili na makahimo halos pugong niini, ug akong ipaubos kini. Ug akong ikambyo ang pusil ug gibutang kini sa in *ana*; miatras sa makaduhang paglakang aron akong masiguro dili masipyanan kini, unya giisa ang akong kamot pataas, misugod paglakaw, naglakaw. Nagkalahum na, mangitngit, ang hangin naghaguros. O, ako misakmit sa pagkupot sa usa ka sanga, ako misulti, “Mao kini! Dili, kana dili pa kini.” O, kini naghatag. . . Ayaw’g tugoti kini magahatag sa dili matuod nga tingog.

¹⁴⁷ Sa pagkataod-taod, sa diha ako hapit na buot na mosurender, ang akong kamot nakaigo sa usa ka butang. O, sus! Ako nakaplagnan, sa diha ako nawala. Ako gigunitan kadtong alambre. Akong gibutang ang pusil, gipuwas nako ang akong kalo sa akong ulo, ug ako nagtindog didto. Ako miingon, “O Dios, unsang pagbatia ang makaplagnan, sa dihang ikaw nawala.” Ako miingon, “Tunong sa tumoy niining alambre, ako dili na gyod mobuhi niini. Ako magakupot gayod niining alambre. Kini magatultol kanako tunong lahos ngadto sa kon asa ang tanan dinhi niining kalibutan nga mahal kanako tua napahiluna, tunong lugsong didto. Akong asawa ug anak, nagkabalaka, wala masayod asa na ako, dili mantigo unsaon sa paghimo’g kalayo, wala masayod unsay pagabuhaton, ug ang mga hangin naghaguros, ang mga sanga nangasiak ug nangahulog gikan sa kakahuyan.” Ako dili mangahas buhian kanang alambre. Ako nagkupot nianang alambre hangtud kini mitultol kanako tunong ngadto diin tanan nga minahal ko sa ibabaw sa yuta atua.

¹⁴⁸ Kadto’y usa ka makalilisang nga kasinatian, ug usa ka dakong kasinatian sa pagpangita sa akong dalan pagawas, apan kana wala maka-tunga niini. Usa ka adlaw ako nahisalaag sa sala. Ako nagbalhin-balhin ug simbahan, naningkamot nga makaplagnan ang Usa ka butang. Ako miadto sa mga Sabadista, sila nagsulti kanako, “Pagbantay sa Igpapahulay, undang pagkaon sa karne.” Ako miadto ngadto sa simbahan sa Baptist,

simbahan sa First Baptist, ingon niya, “Tindog lang ug isulti kanila nga ikaw nagtuo ni Jesus Cristo ang Anak sa Dios, ug ako magabawtismo kanimo, mao lang kini.” Wala gayod didto. Apan usa ka adlaw, didto sa usa ka diyutay nga landong sa ulingan, akong gitaas ang akong mga kamot, ako nakakupot sa Usa ka butang; o, puwede kong ingnon, Usa ka butang nga mikupot kanako. Kato maoy usa ka linya sa Kinabuhi, ang Magtotultul. Ug Siya nanguna kanako nga luwas hangtod niining kalayo, ako dili mopuwas sa akong kamot gikan nianang Alambre. Ako nagakupot sa akong mga kamot ngadto Kaniya. Pasagdi ang mga kredo, ang mga denominasyon sa pagbuhat sa bisan unsay ilang gusto, ako padayon nagakupot ngadto sa Magtotultul. Kay ang tanan nga ania ibabaw sa yuta ug ang tanan nga anaa sa Langit, sa pinakabililhon kanako, maoy atua sa tumoy niining Linya. Siya nagdala kanako nga luwas hangtod niining kalayo, akong isalig Kaniya ang nahabiling dalan. “Sa dihang Siya ang Espiritu Santo miabot, Siya magatultol kaninyo ug manguna kaninyo ngadto sa tanan. . . .”

¹⁴⁹ Mga higala, Kini maoy nagdala kanako kon asa ako karon. Kini maoy nag-umol kanako kon unsa ako karon. Ikalipay ko nga ipaila Kini kaninyo. Kini ang bugtong Magtotultul nga nailhan ko, alang dinhi sa yuta o sa itaas Didto. Siya maoy akong Magtotultul sa diha ako nagapangayam. Siya ang akong Magtotultul sa dihang ako gapanagat. Siya ang akong Magtotultul sa dihang ako makighinabi sa usa ka tawo. Siya maoy akong Magtotultul sa dihang ako gawali. Siya ang akong Magtotultul sa dihang ako gatulog.

¹⁵⁰ Ug sa dihang ako mamatay na, Siya magatindog sa suba. Siya magatultol kanako pagtabok. “Ako walay kahadlok sa bisan unsa nga dautan, kay Ikaw naga uban kanako. Ang Imong baras ug ang Imong sungkod, sila maoy mutol-id kanako ug magtultol kanako pagtabok sa suba.”

Mag-ampo kita.

¹⁵¹ Langitnong Amahan, ako mapasalamaton kaayo sa Magtotultul, ang Usa nga nagpanguna kanako. O, usahay, Amahan, ako dili makadungog Kaniya palibot kanako, ako nagakahadlok. Ako gusto nga Siya modutdot kanako tungod kay ako wala masayod unsang panahona ako mohimo sa pagtabok sa suba. Ako gusto Kaniya nga maanaa duol kanako. Ayaw gyod biya kanako, Ginoo. Ako dili makalitok, ako dili makawali, ako dili makapangayam sa kakahuyan, ako dili makapangisda sa piliw, ako dili makamaneho sa akong sakyanan, walay bisan unsa nga akong mabuhay kon wala Ikaw. Ikaw ang akong Magtotultul. Unsa nga kalipay ko sa pag-ingon sa niining kongregasyon karong gabhiona, kon giunsa ako sa pagtultol Nimo sa tanan niining mga butang, kon giunsa ko Nimo gimatoto!

¹⁵² Ako nagahunahuna sa miaging adlaw; wala pay pipila ka mga tuig ang milabay, nagatindog dinhi sa kalye, ug tungod kay nga akong pamilya nakahimo'g sayop, walay usa nagapakig-istorya ari kanako. Ako gimingaw alang sa panaghi-usa. Walay usa gusto makigduyog kanako. Sila miingon, "Ang iyang Amahan mao usa ka tigpayuhot og bino." Ug, Ginoo, nakita kong walay usa makigsulti kanako. Ug ako nahigugma sa mga tawo. Apan usa ka adlaw sa dihang ako nakakupot nianang Linya! Karon akong gihunahuna, Ginoo, ako kinahanglan moipsot ug mogawas paingon sa kamingawan sa usa ka diyutay'ng pagpahulay. Unsa ang nagbuhat ato? Dili personalidad, dili edukasyon; wala gayod ako. Apan kato mao Ikaw, Ginoo. Ikaw, Ginoo. Imo gitugot ako matumbok ang tumong, Imo gitugot kanako sa pagsikop sa dakong isda, tungod kay Ikaw nasayod ako gustong mahimo kiini. Ikaw naghatag kanako sa mga amahan ug mga inahan. Ikaw naghatag kanako sa mga igsoong lalake ug mga igsoong babaye. Ikaw naghatag kanako sa akong panglawas. Ikaw naghatag kanako usa ka asawa. Ikaw naghatag kanako ug pamilya. Ikaw ang akong Magtotultul, Ginoo. Itugot kanako makuptan ang Imong kamot, ayaw gayod itugot kanako mahimolag. Kon usa ka kamot gikapoy, ako lang ikambyo ang mga kamot. Tabangi ako, Ginoo.

¹⁵³ Ug karon hinaut ang matag-usa dinhi mokupot nianang mao rang Linya sa Kinabuhi, Ginoo, ang Espiritu Santo nga maoy among Kinabuhi, tuburan nga nagahatag-Kinabuhi. Ug hinaut Kini magatultol kanamong tanan nianang malipayong Yuta sa unahan, diin ang mga paghago sa kinabuhi natapos na ug ang among mga buhat ibabaw sa yuta human na, ug human wala nay pagkatigulang, wala nay masakiton nga mga tawo, wala nay kaguol sa mga gabii, wala nay paghilak ug pag-ampo, wala nay mga pagtawag sa halaran, apan kami mahimong mga batan-on didto sa walay katapusan, pagkasakit ug pagkaguol mawala na. Wala nay kasal-anan, ug kami magapuyo sa pagka-matarong sa Dios ngadto sa daghang mga katuigan nga moabot, pinaagi sa walay katapusang Eternidad. Itugot kini, Amahan.

¹⁵⁴ Ug karon, Amahan, kon may si bisan kinsa man nga ania dinhi ning gabhiona kinsa wala pa gyod makakupot nianang Linya sa Kinabuhi, hinaut nila makaplakan Kini karon dayon. Ug hinaut ang Espiritu Santo Kinsa maoy nagtultol. . . Ug ako maka-ingon gikan sa akong kasingkasing, nga ang akong kamot sa Imong Pulong, Siya sa gihapon ang husto. Ako sayop sa makadaghang panahon. Apan Siya husto. Itugot nga Siya magapabilin kauban kanako, Ginoo. Itugot nga ako magapabilin kauban Kaniya. Ug hinaut ang uban dinhi, nga wala pa nakaila Kaniya ning kagabhion, hinaut nga sila mokupot na sa Iyang kamot nga walay pagkabalhin, aron sila mamahimong matultolan.

¹⁵⁵ Ug ugma damlag kami magapanggawas paingon sa suba. Magabonon nianang buntaga, usab. Ang kanhing dagat magapanaguok, ang kanhing Jordan, ang mga malapason madasdason, ang kamatayon nagatuuk sa kinabuhi gikan kanamo. Apan, Dios, ako-ako dili mahadlok. Ako na gihusay kini sa dugay nang panahon. Ako gusto lamang tangtangan ang salukot, ingon usa ka manggugubat, moliso palibot, mitan-aw'ng balik sa dalan aron makita kon diin ako gitoltulan nianang Linya. Tan-awon ang tanang kamingawan akong naagian, ug matag luna sa sapinit, ug sa matag tipun-og sa mga bato nga napangusan ako, apan ginakinuptan ang Alambre. Ingon sa imong giingon, ang magbabalak nag-ingon, "Ang uban latas sa mga tubig, ug ang uban latas sa mga baha, ang uban latas sa mga dagko nga pagsulay, apan ang tanan pinaagi sa Dugo." Ug ako gusto kuhaon Kini, ang kanhing Espada dinhi, nga nagbantay kanako subay sa dalan, ug isul-ob Kini'g balik sa Iyang sakuban, mosinggit, "Amahan, ipadala pagtabok ang bangka niining buntaga, ako mopauli na." Ikaw atua didto, Ginoo. Ikaw nagsaad niini. Ikaw dili mopakyas.

¹⁵⁶ Panalangini ang matag-usa nga ania dinhi karon. Ug kon sila dili mahibalo unsaon sa paggunit niining Linya, ug wala pa makahikap Niini, hinaut ang Balaang mga kamot moisa karon, nagkinahanglan nga mga kamot, matinguhaong mga kamot, ug mohikap sa Linya sa Kinabuhi nga manguna kanila ngadto sa tinguha sa ilang kasingkasing, hingpit nga kalinaw ug katagbawan, pagpahulay kay Cristo.

¹⁵⁷ Inubanan sa atong mga ulo nga giduko, aduna bay buot diha nga moisa sa mga kamot ug moingon, "Itugot kanako. Kupti akong kamot"? O, ang Dios magapanalangin kanimo.

Sa dihang ang dalan magatubo ang kangi-ob,
 bililhong Ginoo, mopabilin sa duol,
 Sa dihang ang akong kinabuhi halos
 mahanaw;
 Sa suba ako mobarog, mandoi akong tiil, kupti
 akong kamot,
 Agaka akong kamot, bililhong Ginoo, mandoi
 ako.

¹⁵⁸ Aduna pa bay lain nga buot moisa sa ilang kamot, moingon, "Ginoo, gusto kong mabati ang paghikap sa Linya sa Kinabuhi niining gabhiona. Gusto kong mabati si Cristo nga mipasaylo kanako sa akong mga sala, ug gusto ko nga mahimong bag-ong binuhat gikan niining taknaa"? Ang Dios magapanalangin kaninyo. Aduna pa bay lain nga buot moingon, "Tugoti ako nga makahikap Kanimo, Ginoo. Itugot kanako nga mawala sa akong kaugalingon"? Ang Dios manalangin kanimo, Igsoong babaye. "Itugot kanako nga mawala sa akong kaugalingon, ug makaplagan kini, Ginoo, diha Kanimo." Ang Dios manalangin kanimo. Ug ang Dios manalangin kaninyo. Mao kanang matuod.

“Itugot kanako nga mawala sa akong kaugalingon, Ginoo. Itugot kanako nga makalimot.” Ang Dios manalangin kanimo, Igsoon. “Itugot kanako...” Ang Dios manalangin kanimo, Igsoong babaye. “Itugot kanako nga mawala gyod ang tanan nakong kahibalo.” Ang Dios manalangin kanimo, Igsoong babaye. Ayaw’g pagsalig sa hinimo’g tawo nga mga plano. Sunda ang Magtotultul, Siya magatultol kaninyo sa tibuok Kamatuoran. “Pangunahi ako, Ginoong Jesus, pangunahi ako.” Ang Dios manalangin kaninyo diha sa luyo. O, adunay daghang mga kamot nga miisa, nangandoy sa kaluwasan. Karon samtang kita. . .

¹⁵⁹ Ang halaran diri, kamo dili makatawag sa halaran, tungod kay ang mga tawo naglingkod sa tanan ibabaw niini. Apan Siya anaa dinha. Kamo nasayod sa tuman ug maayo, sa dihang giisa ang inyong kamot, may usa ka butang nahitabo sa inyong kasingkasing. Si Jesus miingon, “Siya nga nagapatalinghog sa Akong mga Pulong ug motuo Kaniya nga nagpadala Kanako, adunay Kinabuhing walay katapusan.” Tuyo mo kini? Nan adunay ligo-anan dinhi nga napuno sa tubig alang sa Pagbautismo. Mag-ampo kita.

¹⁶⁰ Among Langitnong Amahan, niining diyutay nga pagtipik-tipik sa Mensahe ning kagabhion pinaagi sa usa ka pagawon nga tingog, ang Espiritu Santo tingali nigawas sa kon asa. Kini nipaingon diin Kini gipatumong, ug adunay daghan, Ginoo, ning kagabhion, may kinse o biyente nga miisa sa ilang mga kamot, nga sila nagkinahanglan sa Magtotultul. Sila nakaamgo nga sila nagasulay sa pagtonto sa ilang kaugalingon. Sila nagapaninguha sa pag-ingon “Ako maayo man,” apan diha sa kinasuluran sila nasayod sila dili diay. Ug sila gusto mabati Ikaw, Ginoo. Ilang gusto ang Magtotultul. Ilang gusto moapil. Ikaw dili pa gayod napuno. Sila gusto moapil alang niingon biyahe. Sila wala masayod unsaon sa pag-acto didto. Walay usa nasayod unsaon sa pagdala kanila didto; Ikaw lamang ang Usa. Sila nagaduol alang sa Magtotultul nga gitagana sa Dios, ang Espiritu Santo. Ilang giisa ang ilang mga kamot.

¹⁶¹ O Espiritu Santo ug Magtotultul, kanaog kunsad kanila. Pasayloa ang matag sala. Pasayloa ang ilang mga kadautan. Dad-a sila sulod sa Lawas ni Cristo karong gabii, diin ilang mabati ang gahum sa Dios nga miagas pinaagi nianang Linya nga magapanguna kanila paingon sa Jordan, ug tabok sa Jordan ngadto sa Yutang Saad. Hinaut nga sila mosunod lahos luyo sa Pulong. Ang Pulong miingon, “Paghinulsol, ug unya magpabawtismo sa Ngalan ni Jesus Cristo.” Hinaut sila dili mosulay sa laing paagi. Hinaut sila mosunod tunong luyo sa Pulong, kay Siya mao ang Usa nga magatultol. Kana mao angkana mao ang mga lakang sa pagsaka hangtod maabot namo ang pagkupot sa Magtotultul. Itugot kini, Ginoo. Hinaut sila Maimo. Sila anaa na sa Imong mga kamot karon, ingon nga mga ganti, walay tawo maga-agaw kanila. Ako nagatuo nga Ikaw

magadawat kanila, sama sa linuwas nga mga tawo. Ako nagatuo sila nagbayaw sa ilang mga kamot, sila dili makahimo niana sa ilang kaugalingon gawas kon Usa ka butang misulti ngadto kanila. Kana mao Ikaw, Espiritu Santo ug Magtotultul.

¹⁶² Ilang nakita ang panahon nanghinapos na, ang gabon nagapangabot na ibabaw sa yuta, dagkong mga kredo ug-ug mga butang naghiusa tipon, mga kasimbahanan nanagkaabin, nanaghiusa. Ug, O Dios, unsa nga sila naninguha moingon, “Tanan nga may ka-lahi mobiya dinhi ug moadto sa Alaska.” Ug tanan niining mga butang nga ilang gipanghulga, kini dili bag-o alang kanamo, ang dakong Magtotultul nagpasundayag na kanamo niana diha sa dalan sa Pulong. Kami nagalabang lamang nianang bahin Niini.

¹⁶³ Amahan, Dios, Ikaw misulti ngadto kanila ning gabhiona, ug akong ihatag sila diha Kanimong karon ingon sa mga ganti sa Pulong. Sa Ngalan ni Jesus.

¹⁶⁴ Karon, napahimutang ibabaw sa lamesa dinhi, Amahan, ang mga panyo, kini alang sa masakiton nga mga tawo, ang uban gagmay'ng bata, tingali, ang uban inahan, ang uban igsoong babaye, ang uban igsoong lalaki; bisan sa gagmay'ng mga kimpit sa buhok nakabutang diha kanila. Ug karon ako ginakuptan sila duol kanako. Karon, kami gitudloan sa Biblia nga sila nagkuha'g mga panyo gikan sa lawas ni Pablo ug mga tapis, ug ang masakiton nga mga tawo nanga-ayo, ang mahugaw'ng mga espiritu migawas sa mga tawo. Karon among naamgo, Ginoo, nga si Pablo kadto usa ka tawo, siya usa lamang ka tawo. Apan kato mao ang pagdihog sa Espiritu Santo nga maoy anaa kaniya nianang pinalanginan ang mga panyo, ug ang pagtuo nga anaa sa mga tawo nga siya maoy Imong Apostol. Karon si Pablo gikuha na gikan kanamo, apan dili ang Magtotultul, Siya ania gihapon dinhi. Ug, Dios, ako nag-ampo nga Ikaw magapanalangin niining mga panyo, ug hinaut ang Magtotultul manguna kanila ngadto sa dapit, nianang hingpit nga pagsurender.

¹⁶⁵ Kami nasultian pag-usab nga sa diha ang Israel nagsunod sa ilang Magtotultul, ug sila miabot mismo sa Jordan, mismo (diay) ngadto sa Pulang Dagat. Sa mismong pagtuman sa ilang katungdanan sila gipahunong, ug ang Magtotultul nanguna kanila ngadto didto. Sa unsa? Para pagpakita sa iyang himaya. Ug sa diha ang tanan nga mga paglaum nahanaw na, nan ang Dios nidungaw pinaagi nianang Haligi nga Kalayo, ug bisan ngani ang kanhing patay nga dagat nahadlok ug siya miatras, ug tua usa ka dalan gihimo alang sa Israel sa paglakaw ngadto sa yutang saad.

¹⁶⁶ Sa tinuod, Ginoo, Ikaw sa gihapon mao ra nga Dios, kining mga tawo tingali mga Cristohanon, tingali sila mismo anaa sa dalan sa pangatungdanan, apan sila gidala nganhi niining pi'ot nga dapit diin ang balatian maoy nagpi'ot kanila. Galantaw sa

Dugo ni Jesus karong gabhiona, kanang Demonyo mahadlok, siya moatras, ug ang Imong mga anak molabang nganha sa saad sa maayong panglawas. Itugot kini, Amahan. Akong ipadala sila gikan sa akong lawas ngadto sa ila, sa Ngalan ni Jesus Cristo.

¹⁶⁷ Akong ibayaw kining kongregasyon sa atubangan Kanimo, pinaagi sa pagtuo akong dad-on sila diretso sa mahimayaong halaran sa Dios didto sa Langit. Sa matag tinguha sa balatian, bisan unsay anaa kanila nga sayop, bisan unsa nga sayop sa ilang mga kinabuhi sa bisan asa, Dios, limpyohi sila, himo-a sila nga Imo. Ayuha sila, Amahan. Ug hinaut ang Gahum nga nagbanhaw kang Jesus gikan sa lubnganan, magabanhaw sa ilang may kamatayong lawas ug himo-a silang bag-ong mga binuhat diha ni Cristo. Hatagi sila'g maayong panglawas ug kusog sa pag-alagad Kanimo.

¹⁶⁸ Hinumdomi ako, O Ginoo. Ako Imong ulipon. Tabangi ako, nagatindog sa panginahanglanong pag-ampo. Ug ako nag-ampo nga ang Espiritu Santo magatultol kanamo ug mogamit kanamo, ug manguna kanamo hangtod sa adlaw nga among makita si Jesus Cristo sa nawong ug nawong sa Iyang mahimayaong Pag-abot sa dihang kami makigsugat Kaniya sa kahanginan diha sa Pagsakgaw. Sa Ngalan ni Cristo among gipangayo kini. Amen.

I love Him, I . . . (mahimo ba ninyo?)
Because He first loved me
And purchased my salvation
On Calvary's tree.

¹⁶⁹ Karon, kon kamo dili nahigugma sa usa ug usa kinsa inyong nakita, unsaon man ninyo mahigugma Siya Kinsa wala ninyo nakita? Karon sa diha kita mokanta *I Love Him*, atong ihatag sa atong katapad usa ka kinasing-kasing paglamano sa gugma.

I love him, . . .

[Si Igsoong Branham nagpanglamano sa mga kamot uban adtong naa sa palibot kaniya—Ed.] Ang Dios magapanalangin kanimo, Igsoong Neville. [Ang kongregasyon mipadayon sa pagkanta.]

On Calvary's tree.

Karon iisa ang inyong mga kamot ngadto Kaniya.

I love Him, I love Him
Because He first loved me
And purchased my salvation
On Calvary's tree.

¹⁷⁰ Alang sa usa ka maayong kanta, gusto ba ninyo maminaw sa usa? Akong nasayran nga kita adunay usa ka ebanghelistang tigpangulo sa kanta dinhi gikan sa Indianapolis. Ako nagtuo siya nagapang-kanta didto sa Cadle Tabernacle. Husto ba kana? Sige, sir. Kana iyang lugar sa Cadle Tabernacle. Pipila sa inyo nakahinumdom ni E. Howard Cadle? O, sus! Ipapahulay sa

Dios ang iyang bililhong kalag. Ang mockingbird sa hangin, ang babaye nga akong nagustohang paminawong gakanta, nga labaw pa kay sa bisan kinsa nga halos nadunggan ko mokanta sa akong kinabuhi, kato si Misis Cadle, nagakanta, “Ere you left your room this morning, did you think to pray in the Name of Christ our Saviour, as a Shield today?”

¹⁷¹ Didto mismo tabok sa kalye usa ka buntag, sa usa ka gagmay nga payag nga may duha ka luna, ako mibangon, mosulod ug mohaling sa kalayo. Ang kalan dili mahalangan. Ug ako misulay niini sa pagdagkot, ug ang hangin miapaubos, gihuyop ang butang paingon sa akong nawong. Ug kadto matugnaw, ug ako halos namugnaw. Ug ang kabugnaw milukop sa salog, ug ako nagtiniil; naninguha sa pagdagkot niining gamay’ng karaang latang daang kalan, may gamay’ng sunoganang tubo ibabaw niini. Ug ako lang... Si Meda ug ako naminyo nga dili pa lang dugay. Ug ako nagapaningkamot, ang daang kahoy basa dili mosiga, ug ako nagalingkod didto, ako gihunahuna, “O, sus! Sulayan ko kini pag-usab.” Kinahanglan mapatrabaho, ug ginapaypayan katong daang kalan ingon niana. Ug ako gikab-ot ug gibuksan ang radio, ug siya nagsugod sa pagkanta, “Ere you left your room this morning, did you think to pray,” Ug mitikubo ako sa salog, “in the Name of Christ our Savior, as a Shield today?” O, daw unsa ko kagusto sa maminaw nianang bayhana!

¹⁷² Sa dihing ako motabok sa suba sa umalabot, ako nagatuo nga ako madunggan si Misis Cadle nagalingkod didto. Nahibalo na mo, ako sa kanunay pa nga nagahimo’g pagpakigsabot. Dinhing bahina sa suba, may evergreen nga Kahoy, nahibalo na mo, ang Kahoy sa Kinabuhi; ug didto sa pikas sa suba, adunay koros sa mga Anghel nga nanggikanta adlaw ug gabii, ’kay walay gabii didto, nagkanta sa tanang adlaw, kita n’yo. Ako mangita sa usa ka dapit ug molingkod lamang ug maminaw niini. Ako gatuo ako madungog si Misis Cadle didto nga nagapangkanta.

¹⁷³ Ang Dios magapanalangin sa atong Igsoon. Akong nalimtan ang iyang ngalan. Unsa gani to, igsoon? [Ang Igsoong Lalaki miingon, “Ned Woolman.”—Ed.] Si Igsoong Ned Woolman magakanta alang kaninyo karon. Igsoong Woolman, gikalipay namo ang pag-anhi nimo dinhi niining gabhiona. [Si Igsoong Woolman mikanta sa *The Chapel Of My Heart.*]



USA KA MAGTOTULTUL CEB62-1014E
(A Guide)

Kining Mensahe ni Igsoong William Marrion Branham, una giwali sa Ingles dadtong Domingo sa gabii, Oktubre 14, 1962, sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2007 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org